







古文冰雪携

名家小品

賦引題辭跋語

書雲臺賦

黃道周

壯懷賦

黃尊素

靜賦

華淑

七夕賦

陳山毓

感秋賦

吳伯胤

秋霖賦

葉襄

雪賦

錢棻



茅簷賦

魏學洙

犀塵賦

夏樹芳

瑞石賦

潘一桂

松奏小賦

萬燦

竹聲小賦

萬燦

梅咏小賦

萬燦

垂絲海棠賦

夏允彝

摘花賦

吳從先

幽草賦

彭賓



蠟梅賦

賀裳

冰吟賦

金俊明

○香鶴賦

卓人月

臥賦

文德翼

別淚賦

張明弼

睂嫵賦

曹宗璠

山水歌引

董其昌

蓮社引

李應昇

墨兵小引

徐汧



▷ 譚叟詩引

譚元春

○ 招隱篇引

魏學洙

▷ 贈崔引

詹兆恒

放生池種竹木疏引

陳函輝

化造白衣大士像引

吳國琦

詩經偶箋自引

萬時華

▷ 女才子集引

卓人月

碧雲篇題辭

魏大中

三 煙波畫船題辭

李之椿



讀醉香室集題辭

陳元素

○ 睡心集跋

文翔鳳

文姬歸漢圖跋

薛 案

○ 虞美人花詞跋

錢 榮

書雪照詩首

葉 燦

題李長蘅畫冊

文震孟

題畫冊

李流芳

題畫

曾異撰

書李山人畫冊

李陳玉



跋盆蘭卷

李流芳

書沈約傳後

李清

讀高士傳後

文德翼

書韓信彭越英布傳後

姚宗昌

遜影後語

卓人月



古文小品冰雪携

吳下 懶僊衛泳 箋

書雲臺賦

黃道周

道周自入梁化時，則聞博邑山水極佳。間鍾韓氏似眉山蘇云，而寅仲長君更酷肖東坡居士。及于志上得所謂書雲臺者，在浮碇崗之左頂。幽勝更饒，益爾神慕矣。至旃蒙歲春仲，將適羅浮，道主浮碇山靈，似有意者，使道周邁寅仲先生，遂護盤羸其上。愕然盪胸，又覺朱明平分，卓



峰倍徙百世而下必知有此臺者欲吐一言與  
相終始不免管窺之媿或所望言因地重耳  
夫亦不知其何時黔雷皦颺更萬首以翹焱勒  
千霧而相鑄鑄爲須糜骨酪鏐鍍五石緝蓋陸  
鼇支堵倒挾章亥橫噴夸父含濤嗽精嵌暑糾  
仆復施蜎而踞茲駭諾皇以上訴帝曰唉之子  
礪自溟滓叶姓伊韓其先爲祝融氏盍携而見  
南方之祖祝融乃測焜爍之圭揆而錫以鵬蹲  
之土厥土蜺鬣霽霖砌麗昔有璇樓橋屈十二



基麓。髡髻。候神之裔。乃麾龍使以迴歸。呼雲嬰  
而衛之。之子載輶。爾掀眉。愴然凌颺。欻沉晴霄。  
收涎紫窰。上覲下覩。左徊右憩。捫斗杓之棱頑。  
藥短藥而可捩。又何軫。肉之分墟。而危室飛甍。  
之不綴也。於是使諸稽。屏菑。諸比拂。資強。隅攢。  
剡靈威。夾倭。嘲風。穀。畧。鼯。乘。壘。通。脉。相。景。六  
丁。間。基。剽。坤。膏。以。塗。注。斲。山。骨。之。披。離。又。有。幽  
宮。異。介。挾。神。匠。之。駉。駉。王。繭。高。肆。蜃。鬼。龍。倭。拔。  
白。榆。以。牛。客。馱。紫。璵。者。窮。奇。續。下。來。其。羸。額。徒。



一嶼而嶷岐。擎雄虹以懸棟兮。賔驪甲而捆瓷。  
廉藻交其屈閤兮。勘南斗以承捫。蒼姬纍而螽  
擁兮。搯虬項以听醢。裁駿黠而苗氍兮。蟬竦妖  
蜺。或踏鎗蚪。歟而不敢視。尚擦擗彼碧落兮。訝  
剗授其瓊墀。金烏紕望于鵠尾兮。蟾亦僂踣而  
避。乃蛟髻維列宿之樓哀兮。其以爲礪桶之玻  
黎。若夫萬象之趨裊兮。又未可以指掄對巒環  
而一揖兮。遂逕踊以闔騫。蒼龍攫五指而昇。曩  
兮。化長堤以躊跟。毗羅金圍。復率巨象而右跋。



兮。卻獅子以背蹲。闕鬱單之金碧兮。闕湖鏡而  
如璫。乃爾鼓太平之餘勢者。攤扶拜伏而不敢  
噴。雖金甲之使。亦伏旄于窟下兮。似羞眩于丹  
敷。安期玉女。乃半而求媚兮。率擺顛若有言。胡  
將驂于霞軸兮。復躊躇卻顧。其弱水以飄魂。夫  
我已臞青羊方舂兮。何必黃龍之蹠也。玄溝銀  
漢已傾于杯几兮。又何必倒長江而挽之也。于  
焉抱黃抱朴。羨門鹿門之徒。翮颺葱蒨。飢麗胞  
鍊白簡。珮馳鸞輿。隊變投杖成虬。棄策成揀。削



草。龜。翻。吹。藜。閃。昇。懸。劍。飛。樓。唾。壺。抗。殿。叱。地。蓮。  
青。煮。桑。金。粲。者。咸。奔。赴。而。翔。蹏。拂。霓。裳。而。競。倪。  
按。王。氣。以。徬。巡。徊。步。櫚。其。頻。眴。則。或。曳。千。里。之。  
蟠。木。挾。若。華。之。勾。曲。舉。九。城。之。沙。棠。搢。不。死。之。  
璇。玉。遷。都。廣。之。扶。桑。派。飯。筒。之。竿。竹。與。夫。交。梨。  
火。棗。還。魂。化。肉。九。節。五。花。千。影。夜。煜。琉。璃。離。婁。  
閭。浮。火。簇。酪。汁。瑚。枝。紫。杏。絳。蓼。威。喜。參。成。檀。栳。  
金。粟。之。屬。咸。攬。揮。而。不。御。恐。夫。峙。翠。羅。金。忌。祥。  
光。之。太。蠹。若。彼。袁。氏。之。樹。邵。氏。之。瓜。楊。氏。之。橘。



魏氏之花及爾潘柳趙柿石李王楂之類不可  
枚數以爲羯鼓所設豪十晦而不敢芽乃近取  
東南美竹滌以清嵐幹翼蒼屈珊瑚瑣藍鬚龍籜  
可冠蛇輒可簪盤踞成儿交折成檻間之以檜  
栢松杉秋香夜合玉蘭朱槿木奴隱夫素鱗赤  
顥之屬亦翕鬱以天酒亦臥窺以黔冪兮遂若  
洞庭一線之飛龕乃有鳥鵲接葉鵲鵲吟喃雄  
媒鉗喙巧婦號旻駭鸞音于嶺道撒行實于餘  
甌又何必帝丘髀髀堆驪阿濫之是酣也然而



軒簷錯榮。雲收颺駛。構與庥差。墮與山嶺。廓而  
按之。遂使奚斯忘步。魯班磨甃。若目籌于海市。  
抱朴羨門。始敲然未有釋者。乃繫玉蚪于篁陰。  
兮。抹花螭于榕下。澄銀海之贈瑩兮。躡飛屨而  
相亞。記盤宰之所經兮。滴金漿于碧葦。乃命赤  
繡之童而錄之兮。蜿靈輝其簇射。謂初嶽岼而  
臺門兮。忽陰精之嗟。頃捫閭櫺而梁昌兮。悅壺  
宮之甫駕。芸翫灑以紆延兮。若排空之有罅。旣  
微聞彼馥馥兮。色堪餐而復卸。又胡似壁壘之



天○柵○兮○三○鳥○過○而○蹭○嬰○尚○列○植○以○凌○霞○兮○羌○亦○  
髮○縱○以○如○蓬○穿○雲○密○而○渡○雨○疎○兮○閬○寥○一○以○瓏○  
璁○此○夫○曲○徑○之○若○豁○兮○猶○未○探○其○穹○窿○俄○遊○烟○  
之○數○片○兮○變○而○爲○背○踏○之○從○應○疑○少○室○之○朝○徒○  
兮○或○海○運○厥○浮○蘖○金○狻○司○閤○閑○而○雲○臥○兮○留○霍○  
馭○與○禽○踪○天○甫○憇○于○茲○軒○兮○已○消○五○濁○之○厖○訐○  
泥○旋○廊○而○重○歷○兮○閭○闔○與○珠○館○而○相○封○如○躡○鼎○  
以○呼○巫○步○兮○自○納○首○而○叫○于○巨○鑪○或○披○拂○衣○之○  
相○遇○兮○誚○禦○寇○之○御○風○若○曰○乾○坤○內○自○有○淡○宕○



今胡必萬彙之蟻蠓信幽窈而爲衆窟兮哀流血之驅枉乃復數步石耳譚垣海眼隊磧李擁紫條花開銀膀府科下之谿谿驚白日之瞬矐則有醉石踞枰蒼瑰赤磧叱失康千之璵奴隸龜茲之盪况藉竹林念之愈曠抱黃曰此所謂眞淡宕也延而少選竈有木華鼎有金鑲雲錦成齋修條結棍漏蒼亂青雜陰枝髡山鷄時鳴蜀犬滅響抱犢邏精操蛇守壤間露一二盼蠻若將迫于武庫隱隱搖其弭仗又爾湖鑑竊光



列缺炳漾惚乎雲護瓊臺不蕭不翳含倒影之  
萬狀于焉僊子解頤傾觥倒醬懷桂樹之王孫  
愁蓬祖之噴浪抑思舉于閭風恨鼉梁之徂誑  
抱黃曰紆且此猶未悉其十一也夫不睹厥丹  
梯之宰律緘九天之霖飄劉仙掌以自藥蹂飛  
橋而矯出疑碍漢兮復中停炫錦雲之湧滕連  
齷齪遶墜而扶手兮怪舊觀之復失臨琅玕其  
率舞兮象于吾璇宇瑤階之琰璚乃橋乃樞局  
于中窻是曰乾坤草堂之區此夫太壹之所籌



九道之所周。禹餘之所映。廣桑之所鳩。羞崑歸  
之一垤。兮。剖二象于合甌。崑曲檻之跼勃。兮。伏  
九壘與十洲。敷屏翳以司戶。兮。飛廉擁帚于窳  
陬。拾驪珠于後乘。兮。浮玉碇于雙桴。挽霞冠之  
岌岌。而騷有兮。胡顙尻之爲天。儔也。龍象偃蹇  
而親人兮。烏雉苞于松楸。遺麋蹊之千頃兮。以  
爲駕。駕之上遊。夫世路已竟。若茲兮。胡眼界之  
不悠。我欲鼓昇平而未遂兮。呼飛雲兮。與謀飛  
雲。旣不熟于金堤兮。邀金狄以相樓。悵波旬之



號于清晝兮。灌之以米汁之香醪。摧竇篴其飄  
瀟兮。弔咭軋之鵠觴。言寄箋于王母兮。將振衣  
乘輿于丹丘。恨思歸而爲瑪瑙兮。吾且甘茲而  
永老。折亭西其亦有興兮。批靄霽于晴昊。朝飲  
杓前之沆瀣兮。暮引納于紫灝。自蕭騷而數于  
簪下兮。臺闕蓬門。清館淡軒。竹厨石牯。雲凝梯  
懸。隆隆隱上。若滄洲之十島。又迴頭而遡錄兮。  
閑亭窪樓。危樓鵠立。若三條之相抱。快健足之  
差康兮。澆之以雲根石腦。遂披雲而極之兮。忽



愀然于遠道。夫彼世之誇奇兮。又孰知吾之所  
寶。古云仙者之多樓棲兮。吾亦緣醜以爲好。又  
云無興而不極兮。且蛇首而躋其雲堡。廓乎揭  
衣帶于長江兮。凌千尋之雪縞。忽停槎而睹彼  
都兮。霍四顧以莫覩。彼鱗次而烟集兮。並秋聲  
之椿搗。吾已不忍視厥若茲兮。回仰嘯于簷撩。  
若夫水公趨謁青妃。招搖離漣沿漢。葱翠奪霄。  
環四周之綠簣。如鸞項之初繞。命彼桂醕。間以  
荃葭。嫵儂駘蕩。嫫扁扶搖。登凭一騁。千里可招。



視下苔錢鮮衣已分帝子之餘饒况乎張軫之  
間白鵠車蓋輾下來其迂予予未遽兮遼遙以  
迄朱明噴氣亂影橫敲長堤隕馬高閣悲蜩乃  
有龍子拂鬚鮫客供鮪海人探玉仙翁係瓢咸  
稽首逡杳而遮邀似不如披檐于蕩篠又至萬  
竅之暫吼兮憶楚蕙之盈畝若有人于山幽兮  
醉市間之斗酒欲往揭之夷猶兮納明月于沉  
牖鵲題旣已先鳴兮胡倦倦于吐綬杳山車之  
垂釣兮側梵鐘之歸瀏傷黃金之滿地兮誰以



係之于肘。抑奔屯之噉。翻兮俄莫定其衣。狗匪  
蓐收之彌。交而撩思兮。實以灑長空之黯。黝若  
玄冥之驕。黠兮。羅魑盜而如甄。青女竄于海角  
兮。太陰護其薄。藪胡俟火犀之與。爰玉兮。効都  
闌之相。洩卽爾陰雨晦冥。大驪鎖晝。商青揆距  
徯陽。擗手木客悲呼。彭夔蹕走。夜聞乞火之兒。  
朝來聽經之叟。吹九尺之笛。妖化方尋之素藕。  
石鯨撼鱗。蒲牢泣鈕。珠樓菌閣之子。愴心縮袖。  
衷七聖其將迷兮。吾騷然而擊缶。母棄佩于江。



湄兮尚朝華之有稂莖馨餽而未知茹兮歸以  
詢于斗曰荷衣裂而猶芸兮種繁陰于世後悟  
斗柄之旋回兮似不出隆龐者之吞嘔予欲呼  
鹿麕而鞭橐之又孰知其尾首維襍糝而上求  
兮或太清之有友羨門子乃顧抱黃而笑曰阿  
融夫真闕之已閔曷以尋茲之塊也捨浮丘以  
爲昆季兮微員嶠其疇爲弟妹也繫之子之俶  
儻兮帝始揀爲此賚也紛荔薜其供紉兮燦流  
霞之可戴雖雅愛彼寥廓兮母假掃其靈壟也



齋館軒堂亭門樓廊旣超桅以卉旭兮何以石  
渠白虎鼓簧馭娑之碣櫺也爾夫白社青樓綺  
館金谷玉圍山池曾不足使克隊况蘇門竹林  
蔣徑陶澤又匍匐而求配吾將徙于瓊宇之西  
峙方壺麟鳳之岱植列堵以琪華兮嵌璇璣之  
璫瑁秘真宰于氤氲兮毋炫洩于千載且曰今  
帝之子感羣靈之趨滙且延君以敷緯夫復何  
以賽遂歌賈長沙之賦而退賦云一舉兮如山  
川之紆曲再舉兮識天地之圓方試與登于茲




臺兮永懷茲兮不忘

超宗云唐人不能爲漢魏學寡而音浮也博則沉沉則麗而不靡此相如之所以爲獨冠不意曠代而後復有此才

懶仙云石齋骨疑如岳才大如海其立言也鼓笙簧聲金石不暢其胸懷不盡讀新篇浩渺磅礴命意千秋直與日星河嶽同壽







壯懷賦 有序

黃尊素

余幼落拓不肖斤斤作俗士面孔長逢數奇歲月漫漶壯懷未展每思往管豪士縱神所往自許必遂豈有跼蹐藕穴中碌碌此身耶易水旣渺壯士空歌翔風唾壺尚在老馬忍耳伏櫪因感而賦焉

渺渺七尺有軀與質爲隱爲現同歸於息惟神獨往超世獨立能汗漫于九垓兼馳騫于八極高欲與鵷鸞比翔卑亦不與鷄鶩爭食憶管楚



有二胥一覆一復去時矢盟別後自戮或就蘆  
中而覓津或赴秦庭而痛哭途窮而白骨咎師  
出而封豕逐若夫會稽囚臣伯越亾吳遊麋鹿  
兮蘇臺乘烟浪兮五湖變鴟夷兮遠遁笑蠲鍤  
兮何辜若乃咸陽鑄金胡亥踐祚傭耕養鴻鵠  
之羽戍卒築鯨鯢之渡揭竿斬木社沈廟墮長  
城遂傾阿房非故若乃蘇卿漢北一鴈孤飛聽  
胡笳而情斷望隴雲而魄馳見節旄之盡禿寧  
甘心於乳羝謝朝露之啖言嚙旃雪而何辭至



如寄絲桐江。混迹羊裘魚唱舟。晚釣石蘆秋領  
浦口之風月。辭麟閣之遠猷。星已分於客。帝貴  
不辨乎王侯。至於祭酒布衣。投筆而起。繫馬於  
龜茲部下。斬首于烏孫帳裏。諸番匍匐稱壽。都  
護端居自喜。玉門回轅。定遠開址。或乃少年健  
兒。別妻從軍。擊楫中流之濤。請纓金馬之門。鳴  
劍則蛟龍夜吼。展旗則風雲晝屯。乍棄繻而出  
塞。忽奏凱而啣恩。或乃照藜書生。生花辭客。歌  
叢桂于小山。賦長楊于鳩鵲。筆精墨妙。神驚鬼



泣買賦。皇宮藏書石室。或乃成仁志士。報國孤  
心。舌能罵賊。血可濺襟。嬰城矢石之衝。厲聲劒  
戟之林。山河震而色慘。風雲蔽而回陰。或有信  
陵義魄。朱家俠腸。意至鞭石。可橋心許。投鼎何  
傷。符竊而晉鄙椎髡。鉗而亡命藏卒。能脫邯鄲  
於虎口。守季布於淮陽。自古及今。莫不有落落  
之豪懷。英英之氣。岍吞河嶽。以爲雄。貫星虹而  
獨燦。若游魚之逝淵。而犀然莫窺。若雕鶚之橫  
空。而風高獨戰。雖劫燼而不灰。至海枯而不變。



僕亦壯人。壯懷未隕。紉蕙蒨而獨馨。啗三閭之  
自窘。木經霜而愈堅。劒礪石而不損。願蹠踐于  
天衢。乘長風於一瞬。於時揮就鸚鵡。飛動江關。  
勢驚鉅鹿之軍。氣壯朔方之垣。女媧之石。天補  
魯陽之戈。日還其溘疾。而難禦也。如廣陵之潮。  
其嶙峋而莫躋也。如蛾嵎之山。攜夸父之杖。而  
太陽可逐。乘博望之槎。而星漢可攀。南則鑄柱  
交趾。北則勒銘燕然。爾乃掛梅冠。解疏綬。結茆  
屋。穿石竇。尋素心之侶。鞭達生之後。相與風清。



垂釣雲深採藥買青山而招隱覓孤舟而放  
晝陰離騷之章夜談黃庭之略訪禪支遁攜屐  
康樂林不厭深流不厭濁思萼羹于千里問旨  
酒于下若目前不必問天餘生亦已有幾窮愁  
是述陋彼虞卿孤憤著書是卑公子吾黨如可  
披心爲道壯懷如此

懶仙云包括宇宙總覽人物極賦家之能事  
至其抒寫託寄鬚眉如觀公之壯懷與此賦  
俱長存矣



靜賦

蕤淑

世界喧填。何處印清虛之致。人心閒暇。隨時領  
玄澹之悰。寓物則幽境可通。攬景而孤懷忽往。  
爰命管城流之緗素。命曰靜賦。以見志焉。  
何玄造之紛拏。今吹羣動而不息。肆黃塵之蒼  
莽。今禪昏旦以無極。於是僕本靜人。睠焉不懌。  
思就簡以滌繁。抑屏喧而處寂。境入幽而自遠。  
神宅淡而彌洽。若夫蒼崖徑杳。僻洞塵空。高岑  
霧卷。亂石苔封。猿吟樹裏。鳥喚林中。冥思遐討。



寂氣孤通。至如扁舟烟水。小艇寒溪。沙邊鷗鷺。  
水上鳬鷺。漁人。官罷蘆花聲稀。攬波光之如鏡。  
任鷁首之所之。又如樂樹扶疎。檀林清簡。月上  
上方。雲深深。殿佛閣聲鐘。經樓巢燕。修廊之塔  
影倒垂。虛室之禪燈一點。亦有逋仙野客之家。  
幽人隱者之室。淡澹風夷。蕭蕭氣別。琴書閒晝。  
山川佳夕。掩戶。惟雲敲門。有葉若乃平蕪莽屯。  
枯雲凍咽。寒光低歛。人迹杳絕。絳雪霏微。青烟  
滅沒。景何淒清。氣彌澄徹。及夫青陽煽物。羣芳



吐妍鳥啼啞啞。花落纖纖。風悠悠而微度。春媚  
媚而可憐。當其槐夏日永。麥秋雲黃。風來竹陰。  
雨過荷香。坐厭夏以却暄。息長松而就涼。若夫  
炎氛暗落。金風忽轉。新桂舒芬。古藤曳蔓。乍蟋  
蟀以淒吟。和砧聲而一亂。涉苔徑兮綠滋。扣花  
關而雲斷。至如夕陽沉兮。素魄流。衆籟收兮。虛  
堂寂。惜流影之泛空。挹清陰之凝席。晚鐘初動。  
孤燈微滅。憑欄檻以徜徉。步庭除而獨立。及其  
空齋晝迥。孤館晨清。踈箔垂而悄然。朱戶闔其



無聲閣流雲於樹杪度香篆於窗櫺幽人對此  
靜理自愜印我清棕領其空寂爾乃絕朋侶謝  
友生屏浮慮滌煩情弄江淹之筆藻命薛稷之  
墨卿寫孤棕於側理寄別調於清音既澄懷而  
有會旋落管而復停歌曰山深兮水澄晨迥兮  
夕陰倚幽室兮閒庭倚禪客兮隱人攬時物之  
空明兮領天地之孤清

懶仙云聞修坐破蒲團後討得靜中消息故  
能歷歷寫出若羶逐名場未許以此景光



七夕賦

陳山毓

楚襄王與宋玉游雲夢之浦舍層臺俯深坻略  
江潯涉漢湄浮三湘之去瀨溪七澤之潏潏蒹  
葭蒼蒼以拂珮白露塗塗而漸軋於時炎精弛  
故金帝乘新臨腓月迫蕭辰商風權輿涼雲烟  
燼白門遵肅玄穹就旻爾乃東沼匿輝西冥扶  
魄宵兔翔而一足幽娥揚而半額微光承几繁  
象衣天浮清質之澹淡散澄暉之嬋娟玉漿水  
凝綺筵霜潔輕桂搖采微波揚冽鏡涼輝兮長

河○明○天○孫○嬪○兮○拖○蘭○旌○時○則○唐○勒○景○差○便○姍○徐○  
來○王○乃○揄○毫○選○牘○爰○命○宋○玉○宋○玉○於○是○稱○曰○爾○  
其○長○羸○送○夏○白○藏○迎○秋○燦○曜○停○驟○涼○颼○褰○幃○於○  
是○天○媛○嬖○屑○駕○言○于○歸○歛○纖○纖○之○素○手○靜○札○札○  
之○輕○機○結○霓○裳○曳○雲○縞○被○白○玉○翳○玄○芝○脂○霧○轂○  
弭○霞○輜○竚○晬○晚○之○落○景○眇○沈○寥○之○升○規○於○是○橋○  
成○漢○曲○駕○肅○河○陰○倭○遲○星○道○紆○餘○烟○潏○越○修○渚○  
而○釋○轡○集○長○幕○而○褫○衿○遡○滂○池○以○遥○驚○究○徂○曠○  
之○遐○心○爾○乃○跨○北○沚○兮○佇○南○陽○舒○頰○顏○兮○逞○清○



揚展朱唇。揚青蛾。履會筵。敘離歌。歌曰。竚涼年。  
兮。從奔輶。竝雲幄。兮。亂清簫。宵佩解。兮。抽無聊。  
獨嬋媛。兮。今夕。時既適。兮。不可朝。于是離宮麗。  
妾。別館佳人。靚粧晚罷。妖飾夕新。哀湛湛之泣。  
露。驚肅肅之森風。遂蹀足周除。瞬目層穹。矚靈。  
漢之好仇。經四氣而相從。抽彩縷。弄玄針。映柔。  
暉之黯靄。引纖指而幽尋。怨輕絲之多亂。傷弦。  
月之易零。歸閒房而含態。襲長夜之悵悵。復有。  
中朝逐臣。江臯怨士。汨春日兮。永離悵。秋風兮。

乍起望皎皎之空裏。裊雲旗而旖旎。乃睇傾河。  
邀靈駕。矚烏鵲之旣梁。羌超搖而先迓。願懲違  
以屈體。其柔嫵而善化。替博塞之常度。背時俗  
之咎偶。於是玉避席。歔襄王。怊乎若失。恟乎  
若有遺也。王復稱曰。爾其歡讌未申。晨暉欲瞰。  
新知不故。生別何冤。恫夕漏之不永。撫曉驂而  
斷魂。怨今歡之易沒。數來愛之難原。復歌曰。凌  
天津兮。而心憂纖。御忽兮。不可留。款雙情兮。何  
期哀四候之悠悠。悼遙歡而來愁兮。永還路而



自憫於是明星耀暉若華收敷漢圯惘恍河梁  
滌渺○賦靈會其何在○睠天庭而逾杳○

懶仙云音珊瑚瑯瑤○影落芙蓉具此才情○富入  
月圃作白瑤新宮記○堪與王子安賦競美○

凡國卦自辭藻宮時與王子受頤慈美  
贈此云音賦雙賦澤落芙蓉具此卜辭富入  
靈會其神育都天賦而金杏

日開。吳開呈獻。華外。靈美。此。辭。謝。祇。來。



感秋賦

吳伯胤

維四時之代運兮。嗟去日兮苦多。對秋色之蕭條兮。憐吾生兮蹉跎。於時商風入律。冷露濡天。流陰淡日。落葉哀蟬。偶踈雨兮。滴滴或斜月兮。娟娟時凭欄兮。送目盡平野兮。如烟爾乃公子行樂。綺堂列燕。錦瑟高張。紅妝初薦。燒銀燭兮。將殘。視明星兮。有爛。嘆爲樂兮。及時。念流光兮。易換。覩蘭秀兮。菊芳。悵可懷兮。不見。蓋忽忽兮。傷心亦淚落兮。如霰。至若荷戈黑山。從軍隴水。

結客少年場

邊馬思歸。征戍未已。見胡騎兮數群。俄黃埃兮

四起。聽笳管兮。屢吹懷玉關兮。千里恐生入兮。

無時已。魂消兮心歎。乃有孤身去國。羈旅無家。

楚臣澤畔。漢傅長沙。白雲起兮洞庭波。秋雁少

兮夜猿多。盼清華兮夢已絕。臥滄江兮奈老何。

惟遷客兮多思。因涕泗兮滂沱。或乃素士窮經。

吃吃不置手。冷一編霜流匝地。當桐風之初來。

悲壯心之不遂。矧白髮兮先秋。與蒲柳兮同棄。

每躑躅以徘徊。聞蛩吟而長喟。至如恩辭金屋。



寵謝長門苔封輦道院積黃昏惜此清光之一  
片兮不照君王之寸心彼雕蟲之小技兮虛買  
價以千金恨團扇之見捐兮怨尋秋草以俱深  
又若良人遠別相見無期秋來漏永歸夢偏遲  
拂礎砢兮長太息慮客子兮寒無衣製腰帶兮  
準疇昔知今日兮是耶非夜涼兮人不知思君  
兮天之涯儻有膠漆義斷寡鸞孤鶴中夜徬徨  
形影蕭索○自○頭○吟○感織女之渡河悔嫦娥之竊藥何若  
從君於地下兮同夜臺之寂寞下如桑濮之間

溱洧之游。秋以爲期。將子無怒。望車來兮。何遲。  
心搖搖兮。南浦愁別。院兮笙歌。弔西陵兮風雨。  
斷腸兮不見。啼痕兮可數。是故秋令司陰。秋氣  
凝金。逢秋必感。有感必深。宋玉抑鬱而興悲。潘  
岳惆悵以長吟。非歲序之移人。彼往哲其何心。  
自古如此。我亦流連泣下而沾襟。

懶仙云。二十五絃彈夜曲。情與詞會。景並色。  
妍篇幅間敘次。如層樓複閣。一轉一致。



秋霖賦

葉 襄

予獨處眇歡。觸緒多阻。未逮賈生上書之年。遽懷潘子作賦之感。兼茲秋雨。浩汗綿夕。貫晨仰視。日影慘然不暘。但聞悲風蕭瑟。戶牖慨然賦之。

涼烟冒江。清露下澤。天寒野陰。踈柯蕭槭。波路雲斷。回風飄擘。林木戰秋。橫矢交戟。慘兮顛顚。憂心如客。於時青磬戒懸。素琴始收。皓崔驚序。黃花發丘。英英白雲。露彼梧楸。玄陰忽其晻曖。

白日匿而西。幽於是黑。蜩潛躍。商羊起舞。風蕭  
蕭兮。寒帷泠濛濛兮。入戶。日將杲而復沉。雷方  
歇而更覩。夜申旦以不絕。永綿綿其若縷。桂搖  
落而傷年。桐離披而就祖。鴈濕翎低。萋疎滴苦。  
其爲狀也。則氛累雲連。烟焚霧突。斜逐酸風。昏  
霾皎月。曉萎紅蘭之幹。暮偃綠荷之揭。羅浮之  
碣半合而還離。爛石之烟方升而歛沒。爾其爲  
聲。則嘶兮若訴。恫兮若賡。響醒微醉。夢報殘更。  
寒咽戍樓之鼓。風敲子夜之杆。與愁蜚兮下階。



語○借○落○葉○今○入○戶○清○似○有○情○而○獨○急○夫○何○恨○而○  
長○鳴○若○夫○慘○慘○行○客○離○離○路○岐○蠻○烟○失○暮○蜃○雨○  
昏○時○長○亭○五○里○十○里○濛○雨○千○絲○萬○絲○征○馬○惜○障○  
而○嘶○寒○僕○夫○仰○屋○而○望○炊○洞○庭○木○葉○下○江○南○秋○  
草○衰○彌○眠○百○里○外○惟○見○愁○雲○垂○又○如○懷○寶○被○放○  
含○璞○見○黜○門○掩○青○苔○林○迷○白○日○山○鬼○嘯○嘖○於○蓬○  
樞○機○妻○憂○勞○於○織○室○垣○已○頽○今○多○風○竈○方○濕○今○  
漏○溢○將○騁○駕○以○散○懷○悲○沉○陰○之○四○室○又○如○節○士○  
負○屈○古○賢○幽○沉○書○團○扇○以○寄○怨○望○日○影○而○彈○琴○

草荒兮。晝短。墻傾兮。室霖。徒思黃犬之信。未見  
青蠅之音。爰摧心於隕穉。時寫恨於霑露。借如  
異國懷家。殊鄉戀土。憫窮陰之蕭颯。羨歸燕兮  
振羽。頻登樓以賦懷。乍操音而自鼓。遠閔河兮  
幾重。况秋水兮。駕浦。聽滴瀝於空庭。總纏綿於  
肺腑。又乃婺婦鳴宵。孀閨叫冤。夜漫漫而難旦。  
衾習習而未溫。心隨紅燭。燼思與浮雲。奔視平  
原兮。氣何黯愁。孤炤兮。燈復昏。莫不崩隅。圯角。  
對案妄殮。嗟彼農人。載芟載柞。雨挿烟鋤。春畦



夏作悲三時之長勤。欣一日而有獲。奉高年。修  
音爵。鼓瑟琴。吹幽籥。云何昊天。霖雨其霑。秀而  
不寔。維民之瘼。若夫蒹閣蘭堂。金閨玉房。芙蓉  
曲渚。幽桂叢岡。排芳樽而列坐。餐落英而飛觴。  
欣溽暑之乍退。樂中宵之微涼。左韓娥。右姬姜。  
解襍佩。垂明璫。遑恤蓬茅之飄溢。葛屨之履霜。  
嗚呼。我聞洪範。肅時雨若。維二儀之克咸。何狂  
恒之乃作。百川沸騰。橫流洶礪。將同族於水蛙。  
漸沉淪於清壑。安得夫廣廈之忭懽。兮胥窮簷

收亦嚴○重

而有託○

懶仙云新情綺合○逸致雲生○攤幽扣寂而非  
詭氣蒸波撼而非夸○似欲含吐機雲○標勝班  
馬○



雪賦

錢 棻

天○發○餘○碧○峰○歛○羣○青○烟○深○苔○暝○株○禿○雲○平○乍○因○  
颺○而○迴○合○忽○排○闥○以○飄○零○花○明○四○照○蕊○綻○千○層○  
竹○腰○頻○折○松○蓋○如○擎○梅○腮○傳○粉○石○骨○凝○冰○清○光○  
千○里○崔○嵬○一○聲○屋○壓○琉○璃○之○瓦○簾○開○雲○母○之○屏○  
九○天○無○月○而○長○白○萬○樹○非○紅○而○皆○春○絲○鱗○鱗○以○  
吐○瑞○氣○裊○裊○而○爐○熏○輕○瓊○爲○鈿○冷○絮○成○茵○鴉○寒○  
掠○背○風○靜○翻○雲○惟○寥○空○之○一○色○聽○愉○瘁○之○平○分○  
當○夫○紅○爐○黛○暖○離○閣○香○圍○君○寒○妾○擁○妾○臂○君○持○

鏡○開○千○靨○笑○冶○一○枝○聽○飛○絮○之○高○吟○曾○寒○威○之○  
足○欺○亦○有○天○街○步○軟○柳○下○藏○舟○忻○驢○背○之○甚○穩○  
恣○冰○壺○以○遨○游○或○泛○山○陰○之○棹○或○登○華○外○之○樓○  
冷○香○弱○夢○細○細○勻○愁○於○是○梁○園○才○子○兔○穎○詩○腸○  
江○誇○瓊○樹○盧○妒○玉○堂○六○出○爭○妍○雙○尖○鬪○芳○苟○千○  
秋○之○在○茲○雖○掃○徑○其○何○傷○及○夫○玄○雲○結○陣○赤○暈○  
揮○鞭○猊○貅○氣○湧○鸞○鴨○聲○喧○將○軍○飲○葡○萄○之○酒○壯○  
士○歌○黃○竹○之○篇○戈○衣○縞○而○生○明○光○照○甲○而○增○鮮○  
更○有○銀○花○垂○榜○絳○雪○成○田○橘○叟○輪○塵○葛○郎○乘○船○



印○惠○可○之○跌○而○影○留○嵩○嶺○披○王○恭○之○斃○而○望○類○  
神○仙○維○勝○賞○之○足○娛○笑○謝○賦○爲○未○妍○若○乃○隴○水○  
寒○塞○馬○嘶○樵○徑○封○鄰○燭○微○蘆○花○汀○裏○忽○聞○孤○雁○  
之○鳴○獨○石○山○頭○濕○透○木○棉○之○衣○泣○寒○砧○而○如○雨○  
釣○空○江○以○無○魚○臥○袁○安○於○土○室○映○孫○康○之○敝○書○  
士○衡○戮○而○華○亭○雪○暗○孝○婦○歿○而○東○海○瑤○飛○襄○陽○  
枯○骨○灑○人○間○之○黃○玉○海○上○孤○臣○飽○撐○腹○之○玻○璃○  
戍○卒○征○衣○皆○鐵○寒○閨○淚○滴○爲○緋○况○乎○巖○風○曉○別○  
蒼○雲○暮○同○銀○沙○萬○里○古○道○蒙○茸○雖○天○山○之○玉○滿○

奚○所○遇○而○多○窮○爾○乃○放○舟○浦○北○覓○句○橋○東○籬○描○  
繳○影○酒○送○微○紅○慙○飛○舞○蝶○碎○剪○吳○淞○仰○看○何○依○  
之○雀○遙○聞○人○外○之○鍾○於○斯○時○也○高○士○夢○甜○美○人○  
簪○欹○獸○炭○光○熒○鵲○硯○冰○澌○枝○低○似○醉○波○定○如○癡○  
溪○流○暗○瘦○芳○草○先○肥○肌○同○姑○射○瑞○積○瑤○池○快○心○  
魂○之○如○水○嘆○造○物○之○雄○奇○

懶○仙○云○如○映○琉○璃○內○外○俱○徹○如○嚼○梅○花○神○骨○  
欲○仙○謝○賦○不○得○端○美○于○前○矣○



茅簷賦

魏學洙

闔都之北酒帘之西有扉畫扇蛩吟鳥啼籬逕  
瀾池詰詘旁蹊臥板橋而如帶從樛木以扶疎  
緊小樓之容膝卜素心而儻居愛綠綺之靜好  
懷青藜於古初可風可月我圖我書每訢訢其  
欲笑吐幽葩而自攄入披翫兮黃庭出搴芳兮  
蓀芷忽落英之盈東驚茅屋之麗靡引逢壺之  
細流亦濺濺而瀾瀾啓紙疏以長眺撫女牆而  
獨喜抱良辰之奇懷送行雲而如駛爾乃三復

隰桑適聞叩門。或鼓荻秋之柅。或攜楓谿之綸。  
旣風輕而烟暖。兼芋菽之不貧。撾澤葵。掇青蕓。  
呼雛樹巔。問酒鄰人。悅余美之媿媿。舞長袂之  
罇罇。競猛晉而迨遠。導懿躅以相循。於是衡門  
之下。幽人懷佯。敗瓦頽壁。蘭香茝芳。斜陽小鳥。  
遙林蒼蒼。觸目懽賞。便姍翱翔。若夫拒霜葍亂。  
楓林標紅。疎櫺自鳴。切切草蟲。則乃放柴關。沂  
歸澌。上高丘。瞰長空。秋旻曠兮。沅寥。粲彤雲兮。  
無窮。懷湘江之澔澔。駕洞庭之秋風。思眇眇以



遐舉覺天地之瑞。瓏時焉石瀨腹堅。百卉實折。  
日暖牆隈。隴哀剩雪。手枕殘帙。鶉衣百結。短櫬  
無風。酒酣耳熱。又胡羨乎寒江之曠濠。寒山之  
嵒嶮。消搖容與。茲樂實奢。蓬窻圭竇。水欹岸斜。  
聽曉冰之響裂。呀空谷之豁舒。落霞孤鶩。枯木  
寒鴉。春風蚤戾。到我梅花。誰歟居者。或曰此伐  
檀君子之家。

懶仙云。孔淳之茅室蓬戶。庭草蕪徑。惟牀上  
有數卷書。韻人高致。爾爾。

李太白集卷之四

李太白集卷之四

李太白集卷之四

李太白集卷之四

李太白集卷之四

李太白集卷之四



犀麈賦

夏樹芳

有憑虛先生者，性好山居，妮古成癖，擁書南面，專城不易，鴻苑爲梁，脉望爲匹，寥廓消搖，玄塵是適，玄塵維何，奕燁文犀，誕自異域，焚綸不齊，或生烏弋，或肇黃支，或號雙龍，或稱臥魚，或出禱過之山，或顯義渠之西，入火不熱，入水不濡，有辟暑辟寒之異，有正插倒插之奇，余之犀麈，其類是乎，其弗類是乎，若夫犀之利用，其麗不億，紋之省者爲鹿，獻花品之怪者爲鷄，昧白或

產墮羅則星斗呈光。或鍾呖勒。則山川動色。南  
宮獻紂。爰解西伯。羗里之囚。楚國賂秦。遂破蘇  
季連。衡之策。郭弘農作贊。攄詞傳。常侍鐫銘。題  
石簪之。則蠲怒而除忿。帶之。則避凶而銷逆。阿  
翹有方。響之。翫則琢槌。以戛新聲。太真有虹霓  
之屏。則製匣以嚴什襲。余塵何居。或司其一。若  
夫抱膝空山。簡幃寡營。良朋戾止。握麈相從。坐  
胡牀。理孤桐。發清嘯。下冥鴻。素絲飄颻。白眼睨  
空。辨雄非馬。語類猶龍。滌元規之塵污。灑玄度



之幽慘。寤黃冠而批道竅。咨白足以叩禪宗。舉  
拂則散千巖之花雨。絕叫則起萬壑之松風。一  
縱一橫。惟塵之功。胡神物之難留。歛躍去而無  
蹤。似亡羊於岐路。如失鹿於林中。奪我櫛柄。鑠  
我談叢。將夏鼎商彝。風色爲之慘澹。而都梁迷  
迭。香霧失其空濛。子墨客卿。陡無丰韻。騷人逸  
士。莫佐詞鋒。竟日把來。深源無以酬安國。片時  
脫去。仲祖何以對興公。君不見神劍化豐城之  
獄。竹杖走葛陂之龍。又不見荀淑琴亡。飛入李

膺之室而風雲莽互一編黃石。驀墮穀城之下。  
走飛電而激長虹。繫此犀塵。遠方奇獸。食惟吞  
棘。居恆鵠偶。姬旦所驅。漢文却奏。王武剛以一  
導而遽趣其年。江夫人以小釵而自詒其咎。牛  
渚磯頭。溫嶠然燈而卻算。月華門外。唐宗遣詔  
而弗受。李勉檢出而投江。裴坦見之而拂袖。怪  
蠻童入海之已癡。笑樊川鎮帷之益陋。嗚呼。造  
物茫茫。聚散不同。儵有儵無。何去何從。吾聞讌  
笑永嘉。嘗遺塵於康樂。短轅捉柄。曾失賞於茂



弘○卽○龍○髯○與○獅○尾○盡○沒○去○而○成○空○有○塵○者○寧○獨○  
爲○豪○雋○無○塵○者○豈○盡○爲○凡○庸○兀○兀○騰○騰○潛○神○太○  
冲○視○千○古○爲○蘧○廬○頰○六○合○如○槐○宮○屏○乎○吾○且○游○  
乎○濂○窳○無○爲○之○野○入○大○空○之○三○昧○而○并○以○詢○之○  
亡○是○公○

懶僊云○微事傾囊倒篋而氣韻復老○小儒爲  
之咋舌○





瑞石賦

潘一桂

天啓丁卯京口載罹凶荒天青地孽割我稼穡萬姓罄罄無所寄命圖山之陰天產石粉其色白錯者紅其味甘其質膩咀之馨其液可搏不膠餒者充飢者塞庖者鼓而立山去城百里而近予輿而觀之擔者溢阡採者閔於丘陟間趾可掬也嗟夫天地之大奇出不窮理無而事臻氣鼓而物奪自非觀記之餘千載之後安知不與補天之事同疑其悠謬哉賦曰

天符臻地寶植。巖關坤珍出。補天佐岳。錫爾  
靈石。爾其爲質也。靡瓊委玉。凝肪截脂。鮮飛艷  
雪。華耀朝曦。光逾雲母。色麗瑤芝。釋之叟叟。勗  
之靡靡。無餒無敗。不礪不礪。埒華山之玉屑。方  
梁父之銀泥。豈石廩之宛在。抑地乳之潛滋。宜  
充虛而解戰。爰塞餒而救飢。繁生民之百需。今  
食爲之天天。以六氣下凝。今成五味之華鮮。麗  
五行於百谷。今固物始而民先。飭水畊而火耨。  
今竭腴胝以祈年。羌穗岐而表瑞。今抑雨粟而



微賢曷將此自然之食兮。協幽贊於重玄。况凶  
年之屢稼兮。悲地財之貧破。何辜今之人兮。罄  
天地而一餓。閔鼠空而穀盡兮。氣廉廉而消墮。  
塚纍纍以魂新兮。或流離而遷播。遘珍符之大  
垂兮。感神貺之潛呈。噓枯以續喘兮。拔瘁而爲  
榮。黃吻怡而含哺兮。鯨背鼓舞而取盈。走遐邇  
以如驚兮。咸廢耘以瘳畊。筐承而車任兮。徑隘  
而衢爭。惠遺黎非小補兮。嗣嘉穀於秋成。夫孰  
賁此靈休兮。匪天工其奚及。夫旣秉好生之恆

德兮。曷不祐此垂成之粒。割之精而錫之餐兮。  
夫孰不歌夫帝力。固造物之多奇兮。幻生成而  
不測。系曰石爲氣核。堅不可奪兮。氣之所鼓。性  
爲之脫兮。含功收生。地之奇祿兮。畫地爲餅。庶  
幾果腹兮。

懶仙云。韋應物詩。澗底來荆薪。歸來煮白石。  
讀者謂其寓言。按晉書鮑靚爲南陽守。嘗行  
部入海。遇風飢甚。取白石煮之。以自濟。則實  
有是事矣。今瑞石想亦類是。



肯輕草管民命也。不得詫爲奇事。





松奏九闕小賦

萬 燦

木之有松、松也獨茂、松之爲材、材也最良、挺挺孤標、胎孕玄黃、正氣蒼蒼、獨翠色銷紅、白嬌姿霜雪不凋、羞殺貪風、光桃李歲時無改、愧歎華朝夕、菌花如虬、如龍總描寫、鐵衣生澀、疑蚓疑蜓、要儀圖青蓋、婆娑其精之上、浮時變爲白犬時變爲青牛、色色足奇、足怪而脉之下、注一千年爲茯苓、再千年爲琥珀、種種堪服、堪珍、榮在廣成、時嘉許由、邈乎聖帝、蔽于泰山、下笑始皇

拜爲大夫。磊節多奇。和矯材真。堪梁棟。經霜猶  
茂。簡文姿。寧比柳蒲。禁苑中枯。忽榮開。兆大唐  
國。運興振。靈巖寺西。倏東轉。闡西域。經力神通。  
供食偓佺。千百歲。必登大壽。入夢丁固。十八年  
果。貴上公。崔斯立。哦雙幹。于藍田。一丞不負陶  
淵明。撫孤標。于彭澤。三徑猶存。木之祥。木之長。  
信不誣也。木之壽。木之奇。良足述乎。以至無羣  
有羣。無情有情。崔。喚鹿鳴。夜夜朝朝。相晤對。瘦  
梅。勁竹。年年歲歲。是交鄰。若夫不侵于霜雪。不



植于培塿枝摩青天根實黃壤秀秀鬱鬱  
去紳是臣材曉含露液夜吸月華葱葱  
望來綽有仙氣是以詩人誦壽合盛茂于竹苞  
臣子祈君借聲呼于嵩祝余不禁神往寧輟口  
吟恨鄭熏隱岩無居且未敢願爲處士幸弘景  
清風可聽亦何妨暫作主人

懶仙云虬姿鐵榦對之神肅想見公鬚眉如  
戟

*(Faint vertical Chinese text columns visible through the paper)*



竹聲六響小賦

萬 燝

瞻○彼○菜○竹○葱○蒨○交○加○  
鄜○杜○一○林○奇○標○陸○海○渭○川○  
千○畝○種○邁○蓬○山○露○節○雲○枝○弄○月○影○移○金○瑣○碎○虛○  
心○清○韵○迎○風○聲○戛○玉○琮○琤○  
葭○管○飛○灰○伶○倫○律○取○  
來○嶰○谷○聲○音○遏○響○蔡○邕○笛○裁○自○柯○亭○文○具○開○才○  
士○心○花○臨○川○筆○光○照○牛○斗○武○備○助○將○軍○氣○燄○會○  
稽○箭○美○檀○東○南○子○陵○富○春○竿○萬○古○高○標○寒○夜○月○  
蘇○公○黃○州○紀○千○秋○遺○響○領○清○風○洞○庭○淚○班○班○染○  
就○湘○妃○一○夜○色○雷○陽○青○鬱○鬱○表○來○寇○老○幾○年○奇○

晉代七賢人每嘯傲林中風月唐朝六逸士常  
沉酣山下夕暉就是杖擲葛陂雖少化龍之幹  
然而種分淇澳尚多引鳳之枝是以栽自王孫  
庭不厭滿比來君子本是惟依余志在調羹難  
辭肉食之鄙而味甘咬菜肯薄笋根之餐口誦  
唐人詩雖有待他時免其俗心領子猷趣亦何  
可一日無此君

懶仙云士俗不可醫讀此數行真是俗耳鍼

砭



梅咏十七章小賦

萬 燦

惟○花○有○梅○瓊○姿○玉○骨○雪○魄○冰○姿○塵○外○奇○葩○凌○霜○  
不○萎○卉○中○佳○品○帶○雪○猶○妍○奪○占○花○魁○桃○李○叢○中○  
驕○見○妬○通○傳○春○信○竹○松○林○畔○影○堪○憐○疎○影○橫○斜○  
清○淺○水○邊○驚○羽○鶴○暗○香○浮○動○黃○昏○月○下○憶○仙○娥○  
落○額○拂○無○開○巧○助○粧○臺○新○飾○媚○逢○人○折○有○寄○誼○  
敦○蘭○簿○故○交○全○醉○寢○松○林○恍○恍○美○人○供○色○笑○光○  
射○廊○下○看○看○才○子○映○文○章○任○他○鐵○石○心○腸○作○賦○  
時○也○須○宛○轉○故○爾○法○曹○解○舍○再○任○日○莫○禁○徬○徨○

亭亭上勿染半塵。真個是世間仙子。閒閒中再  
帶一笑。不枉然物外佳人。卽詞客吟咏傳神。到  
底清真。寫不就。若匠工丹青繪色。就中馥郁。畫  
難描。余偶閱譜圖。歷稽品類。不但蝶粉蜂黃點  
出許多般國色。抑且野趣盆景。粧成無限處。風  
光爲是神遊。不覺臭合。勿辭嗜痂之癖。甘任拜  
石之癲。選勝尋芳。倦遊歸夢。回紙帳臨風對月。  
狂興發。手把銀盃。鼎鼐未調。且有待聞雞起舞。  
渴煩頓解。聊因之捉筆行吟。撚斷數根鬚。難道



是詩魔摘去粘成十七咏當應知花事催來  
嬾僊云此廣平後身耶鐵心石腸稜稜仍在

序龍非賦高句

吳特訓蘇去  
卷云北張

蘇



垂絲海棠賦

夏允彞

有名葩之新艷○托瑤海而擢枝○疑紅酥之凝滴○  
學霞綃以抽絲○剪天桃而縹碎○琢芙蓉而紅垂○  
開千房而羅薄○圓萬顆而珠蕤○于時薇帳晨開○  
緗簾晝卷○芳茵翠深○石錢紫淺○映寶粟于朝幌○  
疊瓊鱗于砌礪○念秀枝之糾柔○惜媚體之盈慙○  
弱顏畏見春風○面面向玉堦○逗微線海綃遙拂○  
動纖容紫燕輕捐○覺紅顫楚妃束素○不勝衣延○  
娛怯舉遊飄扇○趙女飛仙裙帶留○旋懷纏蔓露○

羞○獨○勻○光○晃○日○泣○紅○疑○雨○丹○爵○夢○燈○蛟○妾○織○縷○  
低○覆○羊○車○斜○牽○鳳○股○蒲○桃○少○醺○瓊○玖○媛○舞○羅○衫○  
薄○兮○香○酥○寒○雲○鬟○重○兮○瑤○鈿○俯○乃○有○石○閨○仙○子○  
甲○帳○宮○娥○戲○垂○檀○袖○笑○綰○春○蘿○振○幡○鈴○而○搖○蕊○  
弄○方○絲○而○浩○歌○歌○曰○麗○娟○十○四○玉○膚○軟○明○離○曲○  
帳○置○妖○變○黃○金○步○搖○不○自○持○薄○倚○珊○珊○息○芳○喘○  
又○歌○曰○智○瓊○來○是○紫○皇○宮○結○得○歲○蕤○珠○萬○叢○不○  
向○朝○陽○妒○肥○婢○直○宜○天○上○值○青○童○姿○冉○冉○而○宜○  
約○暈○魂○魂○而○半○腫○落○粉○銷○白○披○霞○滯○紅○杏○烟○輕○



繞蝶扇炊融歛修裾兮香自語纈醉眼兮嬌欲  
通重爲亂曰么嬛濃睡暖雲止輕洗臙脂頰玉  
玼停停帖妥倚瑯欄籠罩香泥憐月姊  
懶仙云海棠百種有色無香獨昌州者香故  
稱海棠香國此賦香澤撲人劉鴻材可無恨  
也





○○秋海棠賦

并序

葉襄

僕所居齋中有秋海棠數枝低迷嬋娟幽豔足  
賞悲其抱質若斯而古今以來罕有稱者將非  
冷淡之性不易人知乎感而賦焉

有美人兮依山之阿旣嫵媚以靜冶復窈窕而  
婀娜薄春條之闌艷樂秋景之婆娑綠葉紫莖  
黃中碧柯俯瓊肌以低顫逞嬌臉之微酡於時  
玉露流階金風動砌乍密葉而叢生漸修枝以  
搖曳煥兮若荷華之映紅鮮兮似芙蓉之騁麗

體○弱○還○羞○身○呈○却○蔽○謝○炎○方○之○炙○熱○嬌○處○牆○陰○  
傍○幽○谷○之○清○芬○端○居○草○際○嫋○嫋○碧○色○亭○亭○朱○顏○  
無○勞○懶○髓○有○恨○蜂○攢○澹○容○與○以○含○笑○墮○錯○落○之○  
垂○鐶○洛○浦○朝○暉○神○光○初○動○漢○宮○秋○冷○環○珮○空○珊○  
撫○幽○質○以○自○媚○豈○柔○情○之○易○拔○斜○傍○雕○欄○閒○凭○  
小○石○態○欲○墜○而○還○欹○心○胡○愁○而○似○擗○雨○淋○鈴○夜○腸○  
斷○香○魂○落○葉○哀○蟬○情○傷○血○魄○伴○淮○南○之○叢○桂○零○  
露○小○山○候○彭○澤○之○黃○華○涼○風○九○月○若○乃○蟲○鳴○金○  
井○露○冷○銀○床○紫○苔○淹○濕○紅○蕉○損○芳○思○欲○訴○而○無○



語意如慙而未揚。胃零落之蛛絲。光搖翠鈿度。  
熹微之螢火。高炤紅妝。羞衆草以爲伍。豈無人  
而不芳。旣合簪投。終宜瓶隱。詎比忘憂。還能蠲  
忿。將結侶于幽蘭。不苟榮于朝槿。任枯菀以俟  
時。寧假容于丹粉。爰有淑女。攀枝執條。撫絃而  
歌。歌曰。秋風起兮。秋葉紅。悵落陰兮。哀鳴蟲。下  
階除兮。心冲冲。賴托根于茂苑兮。恐失時以鮮  
終。幸不蒙垢于穢濁兮。挈芳姿而獨崇。

青雷云。絕似李文饒小賦。而幽艷芳香。仍同。

江鮑○

嬾仙云○人亡秋氣○何以立嚴而成功○聖野之  
寄懷良深○



摘花賦

吳從先

虛亭幽迥。槎卉空羣。舞春風以寄傲。泣穠陰而  
若醒。河陽三月雨。上巳一朝春。寂然無事。殘書  
與隣方就。菟園以分賦于嗟。洛水之有神。神留  
架外。景徙蘼庭。進止偏其容。與轉摺迅而徐。盈  
撥衫投媚。飄絲亂鬢。香音細吐。爽咳搖清。笑花  
自致。語鳥遺情。悅新取變。惜嬌尚憐。妍英潤紉。  
怯蕊啼猩。流雲靨隼。弱絮伶仃。信恍惚之難就。  
復婉孌而不勝。爾乃觀其始集也。勁疾天矯。若

垂虹標幻而連赤城。其少進也。沉吟超起。若遊  
蜂含香而落繡茵。其言歸也。掇精擘勝。若翔鸞  
修羽而耀長纓。散霞不能比其彩。桑間莫與奏  
其成。歲蕤駢趾。飄逸就程。倚風長歎。指水生嗔。  
嗔。苟藥之不華。欲折贈而將盟。東家之不目乎。  
西隣之葛滕。瑤臺罷舞。當爐暫停。抱琴上食。數  
座投情。赤鳳未至。紅線將鳴。覩黃花之浸波。若  
金屋之層城。雖合歡之有被。豈宋玉之無情。於  
以遐逝。寧不載征。翩翩洵美的的。其英操班管。



而調瑟與紈扇而齊名○使春風有口兮○爲余致聲○

懶仙云○花下讀○寧野小窗四種○遇得意處○隨  
摘花片○布置書上○踈則句讀○密則佳處○亦花  
間韻事○

...

...

...



幽草賦

彭賓

涉蘭皋之微徑○弔宿莽于岑陰○不選芳以自縱○  
羌橫紛而莫禁○疊青霞兮散玉除○分愁黛兮冒  
寒澣○織如羅兮不可帷○顏楚楚兮上予襟○若夫  
黼帳香暖○銀閣蘼生○曉露洗花○碧滋漾晴○蔓開  
楹兮素趾○沒拂長袖兮動嫋盈○纈流黃兮不可  
學○墜明璫兮無聲○驚綠綺○縷以遙思○憐柔媚而  
空橫○爾其桂殿鎖兮鴛瓦冷○長門閉兮金鋪塵○  
聽車聲兮雷殷殷○悲輦路兮蕪萋萋○回風薄

其○霍○靡○兮○桃○李○辭○而○不○親○何○芳○馨○之○在○懷○兮○感○  
纖○條○而○翠○顰○乃○有○食○松○餐○桂○之○子○採○穴○登○崖○之○  
客○窮○異○嶺○之○崎○嶇○觀○奇○英○之○羅○積○江○妃○採○而○不○  
盡○麋○鹿○銜○而○相○尋○偃○佺○種○而○未○食○山○鬼○披○而○夜○  
吟○聯○緣○層○巔○兮○蒼○髮○蒙○茸○披○覆○石○泉○兮○環○珮○空○  
音○乃○有○離○離○攸○臣○悠○悠○江○潭○顧○杜○蘅○而○不○去○眷○  
蓀○荃○而○怨○含○目○旖○旎○兮○繽○紛○翹○鵬○揚○兮○何○堪○至○  
若○吳○宮○鸞○去○梁○園○蒐○走○首○蓓○徒○荒○金○苔○不○有○托○  
弱○莖○之○披○離○寫○流○蘇○之○飛○襍○振○微○翹○之○清○揚○繪○



妙舞之芳妍。蠲繡隱兮雉錦覆。螭蛄吟兮螢夜  
照。想綺羅兮在遙碧。悲高臺兮涼暮烟。况復松  
楸茂兮騏驎僵。蚪蚪蝓蝓兮虬龍傷。頌聲寢兮斷  
碣枯。古懽寂兮丘隴長。蒼荒荒兮冑幽亭。野鼯  
鬬兮淒以霜。玉塵絕兮不可飛。抱孤根兮慘不  
揚。重爲歌曰。蕩搖波兮春生縹。有美一人兮廊  
處獨。霖淫下兮不予沐。揚芳馨兮未敢卜。意磷  
峒兮巖之屋。石雖落兮玉以碌。渺渺兮將安從。  
拾瑤草兮日盈掬。

懶仙云。讀文通賦。嗟青苔之依依。無色數之。  
可方。必居閒而就寂。似幽意而深傷。是篇疊  
意。攄詞。亦從閒處尋幽。



蠟梅花賦

并序

賀裳

余觀世之可好者、惟山川圖史卉木而已、故屈  
平頌橘、沈約彈蕉、張衡奏憶桂之篇、宋玉製汎  
蘭之曲、至若盧、傷梨、病王、惜梧、寒周、顓答、詔止  
言、紫蓼、綠葵、王勣、裁書、惟論、黃精、白木、潘岳、板  
輿、日依、芳枳、稽康、鍛竈、時拂、長楊、問藍、田之、公  
事、哦句、松間、索彭、澤之、閒情、淥巾、菊下、凡以、寄  
幽、懷于、香、草、抒、艷、思于、名、花、古、今、一、也、余、家、小  
樓、三、楹、悉、植、蠟、梅、其、下、每、葭、灰、乍、起、槐、火、初、移、

垂簾則疎影逾明。閉戶而暗香自至。凌晨吐萼。  
非關武壘詩催。入夜舒榮。無待王瓊藥擁。嗟乎  
蓮稱君子。菊名隱逸。然皆經霜卽殞。望雨先零。  
若其涉凝沍而方開。不與葦蕭同敗。避艷陽以  
先去。恥從桃李爭妍。斯真有烈士艱貞之節。達  
人高蹈之風者也。余嘗恨法曹麗句。徒誇庾嶺  
之枝。鳳閣英詞。止重孤山之種。茲花頌述不及。  
爲小賦以歌之。

伊造物之敷葩兮。至隆冬而愈奇。秉幽貞之至



性兮賦媚潔之殊姿。信朝榮爲不久兮。惟晚節  
爲可持。于時瓊霰零。玄冰結。愁雲起。而晝昏。驚  
飈鳴。而暮急。萎芭蕉之翠心。碎茱萸之紫葍。柳  
枝憔悴。損張緒之腰肢。蓉葉離披。褪文君之臉  
色。爾乃含芬釀馥。散艷傳芳。垂頭唾雪。聳幹凌  
霜。憐林樾之蕭條。夏栽蝶幔。怨芳菲之銷歇。獨  
餽蜂糧。漠漠幽香。逐輕風而入幙。離離倩影。攜  
素月以登牆。玉貌塗金。冰肌噴沉。嫌傅粉之太  
白。笑懷椒之不馨。効葵粧於秋坂。竊蘭氣於春

林○清○露○晨○流○似○隋○殿○之○甲○煎○朝○沃○蒼○烟○暮○起○豈○  
魏○宮○之○石○葉○宵○焚○若○夫○積○陰○乍○晴○微○和○薦○薰○藥○  
已○蘇○而○猶○困○枝○旣○倦○而○難○伸○倚○簷○牙○兮○欲○寐○俚○  
闌○角○兮○如○顰○苞○惹○輕○塵○趙○合○德○臍○藏○麝○屑○萼○濡○  
殘○雨○薛○瑤○英○舌○擁○檀○津○遂○有○折○歸○幽○閣○貯○以○冰○  
壺○增○綺○窗○之○窈○窕○助○瓊○座○之○芬○敷○客○去○而○妄○猜○  
荀○令○夢○回○而○疑○授○蘅○蕪○固○宜○雀○喜○偷○嘗○鶯○羞○早○  
避○何○巖○桂○之○足○儔○諒○庭○萱○之○難○比○豈○若○分○寒○枝○  
於○隴○上○空○染○啼○痕○傳○艷○魄○於○羅○浮○惟○霑○醉○膩○重○



日雲爲幄兮月爲茵。露盥容兮風拂塵。交勁栢  
兮友貞筠。驅寒沍兮引陽春。終當移根游上苑。  
寧甘寂寞委荒榛。

懶仙云日照新粧風飄香袖天然芳澤不以  
脂粉爭妍。

吟山曰一篇佳文尚見晚節獨自桂不足濟蒼生難比一  
瀆且文想見其人未免不呈于心事情之于文何慙  
憾若是

高世女國山...  
...  
...  
...  
...  
...  
...  
...  
...  
...

凱餘華

贈...  
...  
...  
...  
...  
...  
...  
...  
...  
...

學北...  
...  
...  
...  
...  
...  
...  
...  
...  
...

今...  
...  
...  
...  
...  
...  
...  
...  
...  
...

日...  
...  
...  
...  
...  
...  
...  
...  
...  
...



水吟賦

金俊明 原名朱宸

予羈讀梅社僻在湖濱去城五十里載書往來  
恆繇震澤若夫風雨未至林情既變波輒告愁  
有似歎歎每纏綿兮竟夕若將遭其所憚亦足  
徵感顙之奇致覽噫氣之多幻矣爾乃輟津連  
旬遽命豐雪上天解屯物望奔悅偶趨事以遄  
歸遂兼游而載涉維時威旭蹙霽皓岫肅立層  
氷挾舟左右逼泐命童子摧而前焉將以周翫  
陂麓精其艸樹審山勢於傾伏悟染寫之攸寓

漸聞有聲。欲共憂悟。乍悽清而屢斷。亦愜亟而  
如訴。卽求厥托。故向挾舟者矣。薄凝乍劃。漱流  
生籟。余乃倚楫。詳其音態。其始出也。若螽股之  
試。夏意戢戢而未遂。其少衰也。若蟬羽之咽秋。  
韻瑟瑟而靡備。若其越在坻岸。儔侶厚勁。素文  
沖照。晶節稜峻。泝白激兮難默。競陵臨而轉駿。  
類天簫之折拉。並毅斷而非僅。或葭葦其叢頽。  
下驚寒之雁陣。固有吟怨。思而不怒。御聽賞而  
迭進者矣。顧昔賢之論鳴也。謂物不得其平。若



茲聆之見接尤有越於恆情○豈霜意之盈抱○薦  
孤吹而爲新○自絲玉兮賡諧○紛齒齒而鱗鱗○彼  
溫房與艷唱○夫孰知乎此聲○雖履序於嚴朝○肯  
煦燠之是爭○諒有深於後用○無目笑其寡成○夫  
獨不見其納之也○有冲冲之鑿○而迨泮也○有汪  
汪之名者乎○

曩隱云○靜觀妙會○心眼入微○不但俗輩不知○  
卽稍浮龕人亦未暇領略矣○孝章詞賦充箱○  
此特其一○鬻耳拈出○與抱冰心者共讀之○或

不怪其冷况乎○

懶仙云從未米說到無米有源委○有歸根可  
悟天地至理與漆園抗席○



香鶴賦

卓人月

唐無可先生向獲孤鶴貯之櫟園屢求嘉種與  
之偶不就踰數年忽有異香出自毛孔遍體馥  
郁取其片羽佩之香可累月不散海內咸欽其  
寶篇章橫陳余亦妄裁小賦用紀奇跡云爾  
原夫櫟園有鳥華亭無光飛來玉樹之苑謫自  
白雲之鄉惟賢主兮是擇羞衆禽兮爲雙比文  
士之傲睨疑美人之矜莊獨處十年之久乃發  
自然之香庭前隱隱室中拂拂不自牀頭非關

樹末篆何爲乎在。鵲何爲乎化。翻誰覆之于  
水仙。孰啖之以香屑。仍使拾墮羽。今懷袖集衆  
毫。今綴囊如薰百和。似洛蘭湯。屈子紉之以爲  
佩。何申椒之能芳。洛妃采之以爲贈。豈翠羽之  
足當。斯其幽情養鼻。妙致通脾。何必收香于倒  
掛。不貪雄麝之一臍。洵孤山之異種。染梅芬于  
縞衣。時一舞而散馥。笑羊家之貽譏。遂有疑爲  
徐卿所化。詫爲子晉所乘。塗以三世之血。等之  
千年之齡。伴青溪之道士。驚赤壁之夢魂。亦已



稱其異質終不得其香因因復思頻伽之洩渤  
想鸚鵡之舍利或齒勃賀于圈中或現莊嚴于  
蛤蜊何斯鶴之有靈與衆奇而相契其必本蓮  
花以爲胎具旃檀而爲氣者乎重曰偉珍禽兮  
翱翔梳雲鬟兮振雪裳傲鸞鳳兮吉光賤鴛鴦  
兮在梁嗟人之多淫兮失其香望淨因兮終茫  
茫

懶仙云蓮花爲胎旃檀爲氣二語卽以贈此





臥賦

文德翼

靈曜激丹羽。雲流白往問。披衣有懷岸。憤抗左  
子之清音。峻程生之熱客。于是時也。凡在東廓。  
風來北窗。切蟬聲雜。戲燕影雙。林樹蕭疎。山原  
清迥。花沉玉欄。香結金鼎。深柳書堂。長榆畫艇。  
奚童展卷。小史斟茗。剪蕪竹浴。溽蘭撫幽操。揮  
素紉理蠟屐。緡魚竿欠申。徙倚徜徉。盤桓心無  
營。而發粲慮寡。涉而生嘆。忘形問影。師莊友搏。  
不知我達。罕識衆謹。冥兮其心。寢兮其臂。何局

能輸。是鄉卽睡。惟天放之幸全。寧地文之擅示。  
守朴還淳。絕聖去智。百年焉往。四體曷寄。汗瀑  
如雨。鼻吼如雷。爲木爲石。如塊如隤。幽通甫歇。  
素夢方回。耳已知傾。目猶未瞪。呼者在傍。汜然  
若應。旣曲以枕。亦止而定。然後猊蹲。幄內鶴舞。  
京邊婆娑。暎樹轆轤。升泉乃浣。乃濯于反于僊。  
仰奇峰之落落。俯怪石之嶼嶼。聽鷦鷯之瀝瀝。  
覩蜻蜓之翾翾。席陳階除。門杜陌阡。讀易一卦。  
咏詩百篇。理增研而達。隩詞減累而流。鮮齊得。



失于萬化悟生死于一眠吾不知誰之子象帝之先

嬾仙云暑月讀之不必法雨涼雲使人火宅之念俱冷聞西極之南有國曰古莽陰陽不交日月不照寒暑晝夜無辨其民不衣食而多眠五旬一覺以夢中所爲者實覺之所見者妄希夷聃法想亦從古莽得來吾將與之證渾沌譜連此一覺尚是多事





別淚賦

張明弼

白雲在天黃花滿枝與子一別相見何時况燕  
婉兮情纏乍荆吳兮路隔天一碧而愁長野四  
青而怨積風遷嶺而殊音雲換川而同色川多  
去棹嶺有還鑣別衫齊挽離目雙挑零花戀葉  
斷梗懷條攀鮮頰兮潤落傷綠賁兮朱銷慘子  
之衿指子之心予何爲兮煩忡君奚事兮沉吟  
水深深兮可涉山高高兮可越袂一判兮萬里  
盼暫回兮千日哀緣心兮忽來淚向君兮難絕

乃其雙肩全下半臉微迎鬟低黛接面轉紅生  
黛隨恨滴紅入啼明珠光流而粉破玉艷發而  
筋橫爾復弱腕難加苦顏欲語似蝶影之縈絲  
恍鶯聲之襍雨指渺渺之雲天顧茫茫之烟樹  
予從何去君向何迴雲天誰辨烟樹空猜願征  
筵兮合怨畏岐路兮分哀引目幾傳含聲一咽  
睽歔青停唇融朱結燭溜未枯線痕如接拭絳  
綃而化殷落素盤而成血著闌竹而文生捻盆  
枝而癡出影入鏡而雙啼露將花而並泣旣而



淒雨初微慘雲猶漬悴色交頤媚光染臂倦臉  
滅紅慚眉罷翠念有遷延日無餘晷殘陽一樹  
斷煙半山咽聲何處山深月寒蛩割憐而響微  
雁分悲而音墜木念美而黃痴草憐人而碧瘁  
盼素月兮長暉鬱青霞兮竒意欲寄愁兮天高  
將埋憂兮地圯悲乎哉卿懷落我心卿淚沾吾  
手宛泣玉兮留膺惜怨香兮辭袖知子有念何  
人夢懷高丘非夢勾金有臺儻丹心之不變睇  
青鳥之頻來

懶仙云文通別賦只送君南浦傷如之何八  
字已增人無限別離情緒公亮添出淚字愁  
長聲咽○初彈如珠後如縷覺得湘斑鵲血干  
古銷魂矣○



眉牕賦

曹宗璠

張敞之妻有蛾氏。字靈修。郿人。其先房駟之精。降生天馬子。亦號象龍氏。別支居蠶業。再傳爲有蛾氏。修眉連卷。微睇流盼。猶及事女媧氏。女媧鍊五色石補天。竈上騷除。得青綠一匣。曰千年後當爲眉史。謹藏之。有蛾氏適敞。曉粧開匣。取以畫眉。冷碧橫侵。隱秀艷發。長安傳京兆眉牕。宣帝聞之。弗備責也。王褒待詔閒暇。心竊艷其事。從而賦之。辭曰。悄仲春之將旦。噦明星之

漸○稀○夢○同○甘○而○思○微○臂○融○煖○而○欲○枝○續○餘○酣○于○  
昨○醉○頰○薄○怒○而○自○持○侍○女○薰○香○羅○衣○侯○起○幃○掩○  
繡○裙○簾○開○珠○履○日○射○綺○窗○而○玲○瓏○風○動○粧○臺○而○  
倚○徙○於○是○蘭○湯○溫○金○盆○試○犀○篋○分○象○梳○花○臉○紅○  
斷○而○霞○升○鬢○綠○沉○而○雲○膩○翠○翹○刺○蝶○以○葳○蕤○珠○  
蘂○穿○鸞○而○翔○企○乃○其○所○目○駭○魂○消○精○移○神○授○者○  
則○尤○在○澹○澹○之○春○山○映○盈○盈○之○秋○水○夫○睂○之○爲○  
態○也○其○密○而○聯○娟○也○若○萋○萋○細○草○之○迷○原○其○長○  
而○斌○媚○也○若○縷○縷○輕○雲○之○出○岫○其○濃○而○暈○采○也○



若漪漪舞藻之浸波其澹而幽閒也若悠悠鈎  
月之寒宿故含顰則金屋生秋閒娛則銀燈起  
晝懷人則楚天斷虹深坐則湘紋盈袖宜笑宜  
啼欲歌欲舞情致皆溢乎天然姣好非關夫飾  
就乃有王孫公子心慧體閒因其性美點拂雙  
彎取西蜀之石綠滇南之螺黛秦岐赤鳳之膏  
魯泗蒼麟之髓和以柳州薔薇露研以江郎五  
花管似遠似近疑有疑無毫將披而中止  
○曲○盡○脫○中○有○畫○  
色欲染而懼汚濃淡係乎唇吮淺深

聽乎意模。非精心其曷喻。悵對鏡而躊躇。一似  
承蜩與斲堊。豈侍兒女伴之可圖。於是韻寫巫  
覓粧驚洛魄。臙脂愧朱鉛。粉慚白鴉黃。失妍蟬  
翼憎澤影。臨沼而迴。瀾織青步下階。而新篁入  
碧。若乃撫鳴琴而遐想。歡有盡兮不長。去庭幃  
兮千里。何古人兮離傷。感君子之不棄。攜素手  
而彷徨。日之夕矣。明鏡未掩。嬌盛服施薄粧。嬌  
凝不肯整花鈿。笑倩夫婿爲勾點。明燈曄曄。金  
樽灑灑。鬬詩謔而香微。眠黛綠而光閃。誠哉禮



不能箴天不能割宋玉見之垂涕相如竊之消  
渴後數年敝棄官攜有蛾氏入蛾眉山中修道  
麟閣功名京兆政績皆空之雲水間惟畫睂之  
好不衰時王褒奉金馬碧鷄之使道入益州班  
荆道故慨然于行路之難離金門而日遠指白  
水以何期曰吾今而知艷情之不礙靜習也夫  
子竟從睂得道乎遂賡賦曰秀色可食者惟睂  
而已矣既窈窕而貞德復修靡而多姿莊姜致  
詠于衛風宓妃感賦于陳思洗鉛華之脂膩表

玄澹之參差。故眉不呈色。若已雕煖玉之葩。眉  
不呈聲。若已奏清商之節。眉不呈香。若已裊麝  
鼎之烟。眉不呈味。若已沃鸞刀之雪。合六根而  
互用。豈識塵之能褻。無思似拙。無言似悅。其有  
想耶。春絲裊裊。裊裊乎遊空。其非想耶。柳葉依依。  
傷折其非。非想耶。落霞一綫。以呈鮮。空色兩界。  
而無涉。達人以毛穎作壁觀。螺黛爲半偈。擇圓  
通而取眉。立方便而朝徹。當其吮毫拂黛。捧硯  
勻香。潔比鸞毫。浴雨碧凝翠羽。掠霜眇弓弦。何



巧掛耀曲水其相將。洗塵情于明鏡。靜囂氛于  
幽房。緝繡之妻。可使司盟。舉案之婦。薄言滌裳。  
鄙鄧夫人之赤點。陋壽陽主之梅粧。乃駕虬龍  
騎赤鱗。効子晉之吹笙。問妬心于秦女。享麻姑  
之一飯。贈玄膏于雙杵。豈若西王母之皜然白  
首。屈眉壽而無侶。日將暮兮發浩歌。與友期兮  
意有他。雲疑疑兮雨濕濕。畫雙蛾兮舞婆娑。吁  
嗟乎信陵畏魏王之忌也。耽酒色以促年。楊惲  
悲侯爵之奪也。徵聲妓以恣便。方欲避人世之

習繳而自投衽席之戈。鍵孰若柴車偕隱。染綠  
施玄。樂而不淫。愛而不羶。日以助夫文墨之興。  
而吾眉間亦時有白光之亘天。

曇隱云。天然佳麗。文君之遠山。鋪翠絳仙之  
秀色。可餐。文中亦有肩臙。

嬾仙云。東觀漢記載明德皇后。眉不施黛。獨  
左眉小缺。若得此竈上青綠補之。益增斌媚。



顧仲方山水歌引

董其昌

米元章論畫曰紙千年而神去絹八百年而神去非篤論也神猶火也火無新故神何去來大都世近則托形以傳世遠則托聲以傳耳曹弗興衛協輩妙迹永絕獨名稱至今則千載以上有耳而目之者矣薛稷之崔曹霸之馬王宰之山水故擅國能卽不擅國能有甫之詩歌在自足千古雖謂紙素之壽壽於金石可也神安得去乎吾郡顧中舍仲方以詩畫馳聲東南嘗

供事

內殿奉

詔犒戍塞垣海內士大夫踵

門求画不忍言幣交或退而作詩以酬贈能言

之家後先賡倡靡有遺者於是君年七十矣嘗

謂人曰吾老不能宦游貧不能奉客惟腕中有

元季大家鬼篋中有當世高人韻士贈言吾豈

憂身後名哉嗟乎此君之所以傳其画者也雖

然画何足以重君乎哉君蚤年承先世之業是

時翩翩公子無弗裘馬聲伎爲豪舉者君獨湛

精雅道孝謹自將於里俗游閑之習泊如也晚



年田廬漸廢屏居郊園風流得意之事見謂都  
盡而翰墨會心居然清遠無負於海內之知仲  
方者是皆可以傳獨畫傳乎哉夫詩與畫皆謂  
之史君所著有詩史茲山水歌行世又有畫史  
矣君画初學馬文壁後出入黃子久王叔明倪  
元鎮吳仲圭無不肖似而世尤好其爲子久者  
以余知画故屬余言弁之首

懶仙云昔蕭賁有文才善書画嘗於扇上圖  
山水咫尺之間便爾烟雲萬里矜慎不傳以

自娛玄宰得個中趣。獨能傳出神理。



蓮社高賢傳小引

李應昇

遠公蓮社意不在蓮。靈運鑿池種之。以求入社。此念已落色香劫中矣。試問白蓮花片片欲墮時。靈運淨業安在。遠公麾之。自是明眼。雖朕人相我相。是非相內外相。種種分別。無有是處。淵明攢眉迴去。乃第一正法眼。加遠公一等也。袁公九際。寤想宗風。披尋逸韵。校鐫是編。開百十六人生面。爲學道人津梁。正使鳴泉白石。月曉風清。讀其傳。想其人。蓮花片片在我指端。馥馥

幽香在我鼻觀會心不遠又何必棲空林之榻躡壁中之影哉解者正作攢眉趣可也

嬾仙云靈運剪美髯施入維摩禪室究竟落唐宮人鬪草手是亦墮色香劫中得此論諸相皆空方許登青蓮座上



墨兵小引

徐 汧

國容不入軍言溫語文服膚輕矣操觚者取金  
革之氣救隄廩之選與與其國容寧軍容焉兵  
之乃始用盡用殷義周力之升降不無京京于  
此者海內雄俊揚臂張膽以有今日乃至厯識  
微者之憂乎余願一言以衷之夫垣壓雲覆魚  
潛獺奔散其所連而折其所強倖勢虛形劣者  
色如灰灰士力既日新矣揆厥所存必本之乎  
高節懿行極之乎守微沉慮綜之乎多智博聞

○先○生○學○力○自○言○語○

雖廓清摧陷。等于河決。其能以詭激訾耶。若夫  
弓矢矛戟。不登壇而入室。不威天下而毒同仇。  
始妬誣。卒鬪爭。伏雞之搏。不勝而佐之者。鬻與  
角逐。又惡能紹厥氣哉。居恆相語以利。迨遇非  
其伍。輒耳鬚如劒。內怯而外勇。是則可憂也。不  
憂議論之有兵端。而憂文章之有兵氣。吾惑焉。  
晉江毘陵之徒。與王李爲敵國。元美謂不必輸  
攻而墨守。乃甚易易耳。今日急務。要在攬英雄  
之心。四網羅之。訊厥衆。求厥技。家士一謀。天下



罔敢起而承其弊者。宣美之集墨兵。以此兵以  
文爲種。簡練士之高下。豈貪常嗜瑣者。所倖能  
哉。宣美臨難決疑。虎視中原。小試雖一劒之任  
乎。聖之緒之。猶胥纂圖古法。成有制之兵。起海  
內之瘠形。末力。庚不使山走石。泣爲妖文苑。提  
十萬之衆。獨入乎。何有。李衛公曰。徒誦空  
文。爲敵所誘。習斯編者。期得其精微。所存而已。  
懶仙云。宣美師之選墨兵也。燕趙之敢勇。青  
齊之節制。三楚之雄剽。吳越之輕駿。江右之

銳卒閩廣之義決以至庸蜀滇貴之介士莫  
不聽其指揮得勿齋序其前○先聲奪入其經  
濟偉略真足以司馬法從事於此見其一班  
惜乎鬱憤赴汨羅之招○未竟其用爲恨耳○



譚叟詩引

譚元春

隔寒河四五村有譚叟者教童子村中或邀其童子去不得館卽行吟溝塢間稱詩里中里中

人輒笑罵之曰牛亦自稱作詩耶叟聞之大笑○

不足爲道

嘗袖其詩過予予多外出叟卽袖其詩去後數月復來又不值又去如是者三年無勸容怒色園丁問翁何事亦不告以袖中物一日逢舍弟搜袖中良久出一帙投之曰爾兄歸爲我示之舍弟手其本荒荒然無全紙笑而應之曰諾予

客歸舍弟出其帙如叟旨予性不敢妄測人高  
下雖褐夫星卜必凝思窮幅度其所以筆起墨  
止故得叟詩卽屏人深讀其蛩蛙之音唾敗之  
習已了半帙予猶望其能佳而最後乃得老夫  
病起三詩如聞其呻吟如見其枯稿如扶筇待  
老友至如白髮妻在旁喃喃不已人固貴自重  
予雖年如叟病如叟不能爲此奧語也自是始  
與叟往來如三黨久之閱一詩復佳久之又閱  
一詩復佳積之得二十三首刻焉叟僵羸如柴



舉止語氣如不識字人聽予去取其詩皆茫然  
覺非其初意叟名學未有字或呼爲訥菴譚居  
士曰安知古工詩者不盡如此叟與

懶仙云此叟可以感動譚子又能進于詩如  
此正在如不識字人一識字而詩之工拙未  
可知而人之誠朴不可保矣彼夫驕心傲氣  
眼底無人自以爲名士者居然識字人也噫





招隱篇引

魏學洙

淮南小山賦招隱。招隱士使之出也。陸機招隱詩。招隱士使之入也。王康琚從而反之。謂大隱隱朝市。則介出與入之間。嗟乎八公山之草木。未必同升。而憔悴憶華亭之鶴。隱之難久矣。其孰從而招之。隱不獨有隱德。亦兼需隱才。考槃之詩曰。獨寤寤宿。永矢勿告。蓋旣隱者。必不復招人。而北風之詩曰。惠而好我。攜手同歸。凡招人者。必其未隱者也。詎獨未隱而已。且懼終弗

隱者何人不稱  
熙名帖滿市  
巷隱乎非隱  
乎古來朝而  
隱者巢由黃  
齊危少伯下  
子房再下則  
無間之矣隱  
而彰者惟二  
東方曼倩公  
將惟一人韓新  
王

隱焉曹生胤侯余鄰也夢寐恆在山水間余樂  
其人時與飲酒出其所爲古文辭相示曰招隱  
篇大都寫邁軸之娛而余讀之顧不勝雨雪之  
痛愴然作而酌曰子母言當今幽山叢桂之間  
不待其招而往者几何人矣顧有不能隱如余  
者日僕僕闌市又有招隱如子者與余爲比隣  
得無復有招招隱者乎悲夫

懶仙云易經三百八十四爻首之以潛龍龍

德而隱非大聖人不足當之隱之道可易哉

言



贈鶴引

詹兆恆

鶴一羽蟲耳。獨尊之曰僊。此錦鶯文鸞。不能得之美謚也。故與識字神僊。如逋叟坡公。俱稱知己。藉其詩賦以傳。余在南中。無所有。止有雙鶴。借以款仲昭。差覺不俗。仲昭有贈言。十二不啻錫以虞廷十二章矣。然仲昭今之孺子。非重虞廷十二章者。三寸昭華琯。直作丹書綠字。繪太素而表太玄。僊僊乎九苞無輝。八瑯失響矣。第仲昭亦自道耳。饑求夷樹。渴避盜泉。托物比興。

遂覺鷄鶩爭餐鳩鷹相化不足當九臯一味然  
則崔而有知入逋仙詩入坡仙賦不若分仲昭  
筆花墨汁盤旋青松白石間庶不辱仙之一字  
也請亦以此語爲贈

曇隱云衛懿好鶴使之乘軒仙禽之辱也吾  
家濟川蓄六崔所書所謂神仙無不識字卽  
鶴應爾爾耶素心相賞豈許俗子作緣  
懶仙云噲參行遇玄崔被傷收養放後雌雄  
啣明珠以報鬻值數萬緡仲昭十二章亦應



雙雀銜珠爲贈

水雪揚

引

七十





放生池種竹木疏引

陳函輝

余既依庵僧修琮之請爲諸檀信倡葺放生池  
于城東北隅成勝事矣第茅茨半畝雖無華棟  
雕甍而清淺一泓未有紆盤互道在水中央宛  
爾曲池澹澹結塵外契作賦妙手猶然宿翳茫茫想蒹葭  
於秋水空餘楊柳之烟下牛羊于夕陽孰問僧  
寮之境于是河伯獻嘲鉢龍騰笑莫之爲也徒  
迂望蔭之思豈無意乎請效執殳之役栽成新  
雨徑低回寺裏之雲剪出曉風枝掩映池邊之

日陰陰翠樹叢蕙芳而堤坂流香隱隱岡巒輕  
莢茂而庭臯增勝真有雲水來親會心自遠江  
山相助領略良深者矣正爾一時興洽拂檻觀  
魚預知他日幽閒入林把臂度筏與猿池共永  
恆沙並鷺嶺俱高窮丘壑于林泉布烟霞於澤  
國短簷映水乍新鐘磬之音修樾留雲嘗護江  
城之氣聊憑短引敢告中天

嬾仙云冷韵素心兼老韵而出近來四六第

一手



化造白衣大士像引

吳國琦

我聞大士從聞思修入三摩地。是以耳根而成  
正覺。今諸衆生造大士相。起恭敬心。是以眼根  
而作佛事。然大士以眼觀世間音。音聞于眼。音  
復何色。眼既聞音色。亦見耳色。見于耳色。又何  
音。是知世間聲色無主了。不可執以爲真實。今  
造相者。以色見佛。但見其色。佛則無有。故見色  
者。當以耳見耳根。圓通色所不住。以是見相。是  
名見佛。以是造佛。不爲佛造。以是布施。是不住。

相○不○住○相○者○得○福○甚○多○。于○是○大○士○不○可○思○議○舉○  
心○動○念○與○大○士○俱○如○天○無○雲○舉○頭○見○日○如○鏡○無○  
塵○開○匣○見○面○無○所○希○求○大○士○入○定○有○所○希○求○大○  
士○出○定○俾○造○相○者○隨○手○即○成○方○圓○規○矩○不○事○揣○  
摩○俾○募○化○者○不○動○十○方○即○住○本○地○而○獲○多○寶○俾○  
布○施○者○永○離○窮○貧○得○如○意○珠○不○聚○而○積○是○故○入○  
聖○不○捨○六○塵○于○煩○惱○中○而○得○解○脫○即○佛○即○色○即○  
色○即○聲○即○性○即○眼○即○眼○即○耳○即○衆○生○即○大○士○即○  
幻○相○即○實○相○即○有○造○即○無○造○即○善○因○即○妙○果○居○



士以是告諸住持。住持合掌發大懽喜而受是言。

懶仙云。舌本靈妙。色相皆空。令人不可思議。

Blank area on the right side of the page, possibly a margin or a section header.

Blank area on the left side of the page, possibly a margin or a section header.



詩經偶箋自引

萬時華

余僻陋而無心家世業詩閒居偶有所見隨手  
識之義類不能深也踰伏既久忽復成書題之  
曰偶箋子夏讀書有人亦樂之無人亦樂之子  
尚以爲見其表未見其裏子曰吾嘗悉心其中  
前有高岍後有深谷詩之精微如是夫偶于詩  
亦何有哉然今之君子誦詩而蔽皆未必以偶  
失之詩雖埒之五經而旨與他經異或近之而  
遠或淺之而深或隱之而顯或笑而嘆或反而

正○今○之○君○子○知○詩○爲○經○不○知○詩○之○爲○詩○一○蔽○也○  
謝○太○傅○嘗○問○諸○從○毛○詩○何○句○最○佳○遇○以○楊○柳○依○  
依○對○公○所○當○乃○在○詩○謨○定○命○遠○猶○辰○告○之○語○譚○  
友○夏○亦○言○讀○詩○不○能○使○國○風○與○雅○頌○同○趣○且○學○  
雅○頌○更○于○國○風○有○味○易○入○便○入○終○是○讀○書○者○之○  
病○今○之○君○子○少○此○玄○致○二○蔽○也○至○于○因○經○有○傳○  
而○逐○傳○者○遺○經○因○傳○而○生○訓○詁○而○襲○訓○詁○者○迷○  
傳○塾○師○講○堂○轉○轉○訛○謬○夫○古○人○之○唱○嘆○滌○佚○神○  
境○超○忽○而○必○欲○硬○提○其○字○句○以○爲○綱○強○疏○其○支○



派以爲斷千年風雅幾爲迂拙腐陋之書嗟乎  
蔽又甚矣孟子之論說詩以意逆志夫千載之  
上○千○載○之○下○何○從○逆○之○大○都○目○先○所○止○古○人○妙  
理○相○遭○無○故○之○中○作○詩○者○之○志○或○偶○而○靈○讀○詩  
者○之○意○或○偶○而○動○天○下○之○不○可○力○取○而○偶○或○遇  
之○者○惟○物○之○精○微○者○爲○然○若○是○余○雖○不○能○見○其  
裡○豈○莊○周○所○謂○旦○暮○遇○之○者○耶○癸酉中和節時  
華自識

曇隱云說詩真可解頤○可得讀詩法尤可

得一概讀書法。

懶仙云、凝辯宏達、言能釋結。



女才子集分四部小引

卓人月

卓子曰在人言人故首人中俊才部中國人也○  
外國亦人也則外國附焉人不學仙學佛其爲  
鬼也必矣故次地下鬼才部鬼之順爲妖爲怪○  
鳥獸艸木器物皆有之則皆附焉人可以仙鬼  
可以仙故次天上仙才部仙不必皆天而近于  
天神不必皆仙而近于仙則星漢山川之神附  
焉天崩可憂仙劫難避溺天樂者卽是頑仙慕  
金仙者終成佛子故終之以出三界無礙辨才

部而一言半偈之有省其出不出未可知者亦  
附焉卓子曰之四者之中有詳有略在人言人  
其詳于人才宜也然且遺佚湮沈史傳莫收者  
不知其凡幾矣矧其出乎人入乎非人者吾安  
得而詳之卓子曰詳不詳亦各言其女也獨以  
最難度者女身而其成仙作佛之多乃至非算  
數之所能詳何彼男子甘自淪墮是則深可憐  
愍者

○發○大○憐○憫○

蓮旬云一女子身中具足三界出得此中三



界方得生彼無欲國中。蓮花不生高原。生于  
汙泥。行人就衆生身而取佛土。正當卽女子  
身而証佛果。此是女才子集宗趣所歸。  
嬾仙云。女媧氏煉石補天。做出第一件奇事。  
將缺陷世界。一朝圓滿。真是頂天立地奇男  
子。何彼男子。甘自墮落耶。非卓生情種。應不  
具是慈腸。





碧雲篇題辭

魏大中

予性○好○藝○文○爲○藝○文○者○三○十○年○而○無○一○字○性○好○  
友○生○所○居○去○遠○之○不○五○十○里○得○交○者○垂○十○五○年○  
始○一○再○相○遇○而○又○不○在○五○十○里○之○內○在○數○千○里○  
之○外○性○好○山○水○三○入○燕○而○碧○雲○諸○勝○未○嘗○過○而○  
問○焉○如○是○而○謂○藝○文○友○生○山○水○之○好○出○乎○其○性○  
予○幾○不○自○信○一○日○遠○之○緘○其○碧○雲○篇○見○示○讀○之○  
如○盡○遇○其○所○欲○自○吐○與○其○欲○吐○而○不○能○吐○者○而○  
行○墨○之○間○睽○見○遠○之○睂○宇○西○山○爽○氣○撲○几○席○間○

嗟乎非藝文友生山水之好出乎其性。何以遇  
其所欲自吐與所欲吐而不能者。而見友生之  
肩宇於文章。而攬西山之爽氣于几席乎。然則  
遠之。其有以露吾性也已矣。吾幾不自信吾性  
而一日而露于遠之之文。遠之之文何如哉。吾  
得遠之。而且以自信遠之。其無庸自疑矣。

懶仙云。其經意處。全在落落不經意處。至性  
之文。政不求之尋常行墨間也。



煙波畫船題辭

李之椿

范蠡緣深張騫興遠五湖未去何以收江南江北之春萬里欲歸聊且竊域外域中之趣因寄遙懷于雙漿足付玄想于片帆烟中開明月之房波上懸白雲之榻遠山入畫時時親京兆之眉流水鳴絃處處弄伯牙之曲鴉啼問渡浪吸長鯨鷗睡澄空霞爭孤鶩露裊芙蓉閣上恍如少婦凝粧汁淋楊柳堤邊更喚仙郎染袂曾犯良朋之雪還聽孺子之歌雞犬桃花欲問避秦

之○姓○鴛○鴦○荇○帶○應○逢○出○洛○之○神○錦○纜○亂○踈○星○斷○  
岸○邇○傳○漁○唱○銀○燈○搖○密○雨○寒○潭○忽○動○龍○吟○泛○長○  
嘯○以○登○仙○載○相○思○而○入○夢○豈○羨○緱○山○之○白○鶴○不○  
誇○函○谷○之○青○牛○神○女○弄○珠○含○情○滴○滴○鮫○人○淚○壯○  
夫○擊○汰○乘○興○翩翩○颺○母○風○我○欲○呼○作○梅○檀○香○生○  
若○縷○衆○將○憑○以○桂○權○酒○送○如○泉○幾○年○觀○枚○叔○之○  
濤○玉○簫○招○玉○人○而○俱○至○一○日○鼓○祖○生○之○揖○青○天○  
張○青○眼○以○凌○虛○行○將○砥○柱○乎○中○流○終○且○垂○綸○于○  
急○水○

幽○情○壯○志○一○往○俱○深○



倪鴻寶云。煙清硯沼。載明月于文江。波動墨池。御順風于筆海。青蓮啓粲。紫桂爲身。行奏濟川之功。更宏渡世之筏。





五香丸即是不  
味地黃丸一種

讀醉香室集題辭

陳元素

京師有五香丸。空朝服之。能令人名利心淡。事  
在劉學使集中。蓋滑稽寓言也。若如眉徵士所  
云。人間詩文。與貪慾氣等。上薰空畛。則郵酷于  
五香丸矣。一觸之。當令人著述心亦淡。語有之。  
蘭不受薰。以其香故。葱蒜不受薰。以其臭故。由  
前兩家所論。幾于受薰者絕少。而吳君聚名香。  
結特室。期往來者。鼻之而醉。不亦過乎。雖然。古  
令之頌香德者。莫辯于香嚴童子。其曰。非木非

空○非烟非火○去無所著○來無所從○似有浩浩蕩蕩○得全于酒之意○至于塵氣倏滅○妙香密圓○則又似脫沉湎○游清涼○如病得蘇○如夢得覺○果能証香之妙○如此不謂之醉香○謂之醒香○亦可也○是真能淡人一切心者也○

懶仙云○管人有蕩漿空濛○而寶島細縈○風吹別島○開襟皓月○而博山一片○展讀離騷○其中皆有托而逃者○吳君之聚名香○古白先生謂能淡人一切心○猶黃涪翁香名聞思○證內典從聞思修之義○非止作鼻觀已也○



唾心集跋

文翔鳳

傳遠度蚤歲夢異人予金針云兒吞吞則兒之

奇夢

妄心下其後在三山三夢唾心出形如卵血淋

漓軟動掌際顧鄰初曰某亦嘗夢坐磐石而唾

五藏歷歷手自搏之撥去其滓尋吞之而覺尚

○子雲有此夢

彌日咽痛太青子亦曰大人未旣冠亦夢五藏

墮地而文章就遂以其年冠解造物者固不啻

西方化人之機巧善更人肺腸而俾之慧之二

客與某大人三徵調於華胥而泰詹之聘吉咸

若訪佛圖澄於洗腸之池畔造物良不啻琢玉  
冶金代之矣然不解圖澄之奚以有腹孔而絮  
之至臨流卽洗其五藏還復納着夜讀書而光  
輒出孔如晝此界當在幻不幻之間而大人三  
十聞道時則輒內洞其五藏并洞人五藏而立  
睡之以爲腥穢不可近某時蓋五齡獨見其心  
際有光寸餘朗映不他人黑冥冥也而又隔垣  
質人面孔不少誤倘所謂長桑上池水者固卽  
在紫庭之字亦不勞外索耶某亦不解其所獲



至某鈍根弗大人肖發念大早結果殊大晚已  
西北遊內觀則心花都作青蓮瓣恍忽有仁字  
流出然幻弗以誥人故其詩云若話心似青蓮  
葉笑落人間萬口涎王子在東海政暇輒兀坐  
見心開如水晶塔層層都具而空湛如玻瓈之  
映月他紀稱丘長春亦茹苦十二年而見性如  
水晶塔嘻匪塔蓋靈臺之九重梯宜有此等相  
心之變化不可殫形若與予之夢且觀者總性  
之影子心界虛明好相亦妄若與予無心作好

相而好相現。文章又好相之一種。再變亦無心  
爲好詞。而詞袞流不可禁。卽吾輩亦任之。如梵  
人。之以腹炁讀安之。若固然。不自怪。若心已唾  
矣。復拈其唾之餘示人。怪其人經神緯者。將無  
已幻而不可解。又安知若他日不復夢唾若之  
青蓮瓣。與水晶塔乎。若之詞將益見怪於世。卽  
予且或終以幻而不可解也。

嬾仙云。奇人奇腸。幻爲奇夢。流爲奇文。以董  
仲舒之懷蛟。楊子雲之吐鳳。陸倕之青鏤。韓



呂黎之丹篆。種種皆從文心現出。至太青之  
蓮。辦晶塔。尤是釋迦放大智光明也。





文姬歸漢圖跋

薛 家

文姬事古今悲之。謂名士女其辱如此。嗟乎名士身其辱者衆。况復其女。卽女如文姬之被逼。而無其才。亦無曹公爲之贖。不能爲十八拍以寫哀。後世遂無圖之者。紅顏委白草。與駝獐等朽名。小不著辱。亦不深世之悲。文姬者。以其爲中郎女。幸得贖歸。又有十八拍傳世。故譽集而毀。隨之。趙承旨之寫是圖。立意尤別。承旨固宋季名士。且魏王後。不幸被聘爲侍從。玉堂毳帳。

自弔自憤。託之文姬。予謂文敏。非文姬也。以才  
技。則中郎。以戚屬。則烏孫公主耳。當日年年北  
駕。大幹耳朶位下。繡幙蒲萄。釀胡姬花面。傀儡  
雜劇。強顏爲歡。遙見單于。夜獵弓刀。旌節一一  
目擊。而宋社已屋。終無贖之者。故其筆力扛鼎。  
思緯幾入神。而慘淡之色。亦在故文姬可悲。而  
文敏尤可悲也。世皆苛責婦女。而自處特寬丈  
夫。一再娶妾。媵盈前。有子有孫。漁色不止。婦女  
則責之從一。謂往制實爾。曷思士當自捫寸心。



安問往制假使文姜秉國夏姬爲之佐鐫在令  
甲曰女得置侍夫數十男子目挑必誅亦將曰  
制實爾乎予非敢苛責士以士于時制無不曲  
從者顧獨責婦女士少年立節晚喪者比比中  
郎遁跡吳會董卓迫脅不忍族誅以膺其寵卓  
死竊歎人情實然亦何訝焉伯喈才性一往而  
畏死文姬似之矣踐彼之土而食其毛卽無穹  
廬筦絃之樂亦漢女之被驅掠而草間求活者  
耳未可以責文姬也

人之是非于舉  
動作爲間亦即  
見其行狀焉  
子固畫梅世  
傳寶之如雪  
畫馬世亦寶  
然畫梅者  
居山畫馬者  
所於兩畫  
便見行狀志  
節必山

曇隱云秦吉了一鳥耳。猶能言身是漢禽。不  
願入夷。嗟乎漢之李陵衛律之徒。其不如秦  
吉了者多矣。何尤于女子。然承旨豈文姬比  
哉。予古者所以深爲之痛惜也。  
懶仙云松雪兄子固隱居出入一小舟。有刺  
探得之者。輒飛棹去。一日松雪自茗來訪。閉  
門不納。夫人勸之令從後門入。坐定便問弁  
山笠澤佳否。松雪云佳。子固云弟奈山澤佳  
何。去卽令人濯其坐具。若使松雪舍玉堂而  
弁山笠澤。名士風流真足千古矣。



虞美人花詞跋

錢 菜

字字

香艷

若○夫○異○卉○編○愁○人○間○植○相○思○之○樹○名○姝○負○恨○天○  
半○峙○望○夫○之○峯○蓋○騷○情○貫○艸○木○故○剩○粉○壽○千○春○  
然○若○耶○溪○畔○波○影○空○沉○響○屣○廊○前○麗○鬼○斯○杳○帳○  
內○珊○遲○莫○定○是○非○之○狀○驛○邊○纖○骨○徒○堅○伉○儷○之○  
盟○至○乃○折○腰○方○舞○黃○鵠○生○悲○赤○帝○之○髯○甫○落○紅○  
顏○之○血○爲○殷○有○美○虞○姬○化○斯○芳○草○不○隨○桃○李○常○  
親○魯○國○衣○冠○獨○爾○掀○翻○似○笑○炎○劉○灰○燼○楚○愁○默○  
結○葉○底○歌○聲○隱○隱○霸○氣○雖○淪○枝○頭○暈○靨○重○重○晨○

烟暮藹。耻嫁春風。素妝亭立。有同閨秀。名雖已  
逝。而常存。漢殿旣非。而不變。洵葩隊貞姿。而詞  
壇勝韻也。吾友子一。忠希屈氏。性僻行吟。氣壓  
彌生。憤時罵坐。恆握瑾以表潔。每披荔而逞芬。  
爰騰雅奏。如聞幄裏。殘香曲寫。舊容似覩。花開  
欲語。家爾斐冰雪。爲肌雲霞在手。溪光竹色。靜  
悟禪心。花氣鳥言。盡歸筆浪。迺以同懷。賡茲佳  
什。觀其金銑遞振。幾銷研七之寃。遂使玉貌如  
妍。麗。更。帶。淒。韻。

生宛遶項王之膝。豈是情多羞作山中連理實。



因俠勝永爲楚國忠臣。晉稽康述懷香之賦。宗  
測圖百花之帶。孰若表斯幽質。招彼風流美人。  
不歿曷咎天亡。妝鏡常留。自能憐我真足破儻。  
俗之目論。而維彩雲于絕代者矣。

嬾仙云。以虞美人爲花名。殊覺無端。得此麗  
筆。揚葩抒藻。當年芳魄。至今臨風欲舞。

卷八

附錄



書雪照詩首

葉燾

利欲如山情塵若海頭頭出沒誰是透網之鱗  
箇箇沉淪幾見凌霄之鵠雪照上人性地通明  
慧根捷疾早年學道究極宗乘教窮始終文通  
性相何微不探何疑不析滿字不落半字佛果  
即在佛因高築法道之垣墻闡揚一代之時教  
其在斯人與爾乃游戲三昧旁通義學聰明橫  
溢大籟自鳴觸情生韻斐然成章宛清風之穆  
如若冰壺之濯魄可是無本酬詩設脯祭於除

夜○似○乎○僧○講○得○句○急○鍾○訖○於○中○宵○故○是○開○士○之○  
微○塵○具○占○畸○人○之○逸○韵○鳴○乎○大○法○垂○秋○門○風○若○  
掃○飽○飯○安○眠○稻○麻○竹○葦○緣○累○多○於○有○髮○垢○濁○甚○  
於○平○人○見○之○傷○心○聞○之○墮○淚○孰○有○縹○緲○青○霞○之○  
氣○擺○落○地○上○之○塵○如○上○人○之○高○超○秀○出○者○乎○真○  
爲○僧○中○之○英○奇○振○頽○綱○於○將○墜○者○矣○上○人○將○有○  
竹○霜○草○行○世○余○樂○爲○之○序○以○病○不○能○捉○筆○漫○寫○  
數○句○置○之○簡○端○亦○見○法○門○之○有○人○共○作○人○天○之○

懽喜

懶仙云標韻清徹有濯魄冰壺之致



題李長蘅畫冊

文震孟

桃源

桃花與流水一往隔千春畏向外人道如何重問津

余嘗有山居詩云無心只恐磯頭水流出桃花  
事又多桃源之樂樂在不知有漢耳漁郎一入  
稍悉漢魏間事滿腹憤盈如何送日

柴桑

乞食未足耻折腰真可憐若止愛一醉還當戀秣田

曩余官京師曾偶成一詩云督郵一揖裂冠裳  
千古英風不可當始信隱才真不易北窗閒造  
小黃唐爾時真覺求退之難隱居之不易

東臯

醉鄉既可居東臯亦逆旅不能學

汾門下諸將相入醉鄉當以無功爲導師

東臯子戀美醞三升亦直是寓意下河汾登壇

龍門獻策醉眼迷離不知幾許攢眉不痛飲如

何看得若欲作阿兄門下諸君導師東臯子直

醉歟矣

竹谿

沉冥竟何意與會亦偶然竹林緬

風流猶不免着宮錦袍巢父諸君見之當低緬微笑

眉公云太白

謫仙人視着宮錦袍猶着衲衣簑笠也巢父若



見太白着宮錦袍亦那得笑。

鑑湖

朗官名亦好。賀監更風流。人皆營一曲。名可得千秋。

眉公云。知章

八十始稱道士晚矣。

眉公尚未知有八十一不稱道士者。鑑湖一曲則屬多事。

輞川

吾愛華子岡。輞水流日久。如何舍此去。傷心賦凝碧。

摩詰千古韻士。獨鬱輪袍一事。全無根據。小說妄傳。遂使輞川清流不洗此垢。信是文人奇冤。

浯溪

我怪元道州。山水亦吾之。嵒臺臨浯溪。汗漫良可思。

道州有杯湖詩其序云干進之士不能遊之又  
云爲人厭者勿汎杯湖然則山水之友不綦難  
哉。嶠溪嶠臺只合吾之而已。

廬山

樂天作草堂勝絕擬終老出處不自決空爲泉石道

永明求祿差舛遂成仙骨忠州除書到而草堂  
藥鼎先一日敗矣則夫經年隱居而學道未成  
當繇入識田中猶著祿與除書影子耶。

雪堂

繪雪着堂中坡翁命名義繪堂着雪中安知非公意

眉公云有雪

堂古玉印余摹作印章



長蘅此冊清韻襲人獨雪堂作雪景所謂猶復  
爾耳賴繪堂著雪一轉語是點鐵成金手雪堂  
古印亦非肩公不敢用也

孤山

未能無所寄養鶴復栽梅崔亦太多事高飛候客來

茂陵若使求遺草猶喜曾無封禪書自是千古  
高節然遂欲以此薄文園則有所不可一生奇  
文遇好文之主烏忍不盡對絕代佳人彈琴著  
書風流不朽不遇漢武便不草封禪書不遇文  
君便妻梅子鶴矣

懶仙云長蘅畫冊。迥絕塵境。畧經湛持先生  
指點。更步步引人着勝地。



題畫冊

李流芳

維立兄以素綾小幀索畫。且戒之曰：爲我結想  
世外，勿作常景。余思世外之境，則如三島十洲，  
雪山驚嶺之類，不獨目所未經，亦意所不設也。  
其何能施筆墨？竊以爲景在人中，而人所不能  
有之者多矣。前人之所有，而後之人不得而有  
之者多矣。夫人之所不得而有之，卽謂之世外  
之景。其可乎？俯仰古今，思其人，因及其地，或目  
之所可經，而意之所可設，是可以畫。畫凡十幀。

如淵明之柴桑無功之東臯六逸之竹溪賀監  
之鑑湖摩詰之輞川次山之浯溪樂天之廬山  
子瞻之雪堂君復之孤山所謂今之人不得而  
有之者也如漁父之桃源則所謂人亦不得而  
有之者也畫成偶有所觸因各賦一詩不味其  
地而味其人以爲地非人不能奇如三島十洲  
雪山驚嶺非仙佛亦不能奇也狀仙踪佛跡不  
在○世○外○如○桃○源○之○類○往○往○有○之○非○其○人○自○不○遇○  
耳○余○所○味○諸○賢○亦○有○不○能○終○保○丘○壑○者○或○老○于○



丘壑而文采風流不足以傳并山川之奇湮沒  
而不彰者可勝道哉如是則古人之所不能盡  
有者又將待其人以有之其人伊何將求之世  
外乎求之世間乎請以此叩之維立

曇隱云長蘅嘗言書畫本高人之事非讀書  
萬卷筆下無半點塵俗者不能工讀此跋便  
可想見其風流高致當在丹青碧落之間





題畫

曾異撰

崇禎六年秋杪，病中過友人林叅夫，因游印林寺。有客科頭瘠瘁狀，神氣殆不猶人。詢之，知爲陳君某。胸有丘壑，固可摸索而得也。某出行卷索題，走筆成此詩。予嘗謂左丘明、司馬遷、班固此千古畫家神手，山水、人物、草木、鳥獸無不妙者。范曄多買胭脂濃描靚抹，此宮廟畫人物手也。子書中惟韓非子神于畫鬼，莊周如蒲永昇善畫水，兼能繪風。他如韓退之書、張中丞傳、柳

蜀羞殺

子段大尉逸事○並英英寫生筆○子厚諸游記絕○  
妙○山○水○吾○欲○展○而○大○之○陳○壽○三○國○志○歐○陽○公○五○  
代○史○花○卉○翎○毛○耳○晉○書○尚○有○一○二○筆○他○史○無○足○  
入○譜○者○因○與○某○論○畫○附○記○于○此○時○同○游○者○爲○某○  
某○皆○文○士○而○不○能○畫○者○也○

懶仙云○能畫不讀書○此工也○技也○知文與画○  
之一理○若胸無萬卷○未許輕落一筆○



書李山人畫冊

李陳玉

古今書法畫苑及文章家三堂一門同工異曲。大要筆墨之業。書先之。文章繼之。畫則最後。六書初。不過代結繩作註疏耳。一變而文章。則宛然有聲矣。再變而画。則確然有色矣。画者書法之終。文章之極也。亦猶絕律之有詩餘也。從來畫苑名家。半屬能文之士。何也。其人之精神。必有以取萬物之微。而後倒順橫斜。能轉折賦形。而入画之微。而出故書法有正有勒。有側有臥。画苑鵲喙魚。

遊釘頭鼠尾種種提放卽其法也文章家有神  
有似有斷有續有濃有澹有詳有略画苑鬪牛  
踏驢加毛點睛卽其致也原其巧妙同一關捩  
是以東坡書法以塗竹山谷竹法以作書摩詰  
詩中有画画中有詩精靈所映千燈一輝卽一  
顛書也魯么學之而爲真道子學之而爲画楊  
惠學之而爲塑真則猶草之類也画遠矣至塑  
抑又遠矣今有人謂塑法本之書法不以爲迂  
乎乃古之異人往往以此尋梅而得杏凝水以




爲米豈非靈則妙妙則傳其原不可誣也予不  
能畫而稍知畫意大畧以莊周子長東坡太白  
少陵諸君子文章之妙以當輞川龍眠雲林石  
田諸家之品評許可卽不甚嚴而大嚼快人亦  
復絕少此卷乃得之山人李墨匡氏馳騁百科  
模擬諸家不僅肖其形似且傳其神髓摹輞川  
卽輞川摹龍眠卽龍眠摹雲林石田卽雲林石  
田最可異者唐六如画苑之子瞻也山人提筆  
落筆無一不叔敖此何異梁王苑中鄒陽能以

一人而兼諸人之賦乎。山人書不甚佳。文章不甚工。玄風道氣。確能領萬物之微。此亦雅士之風流也。持此轉工書法文章。又何異用菜爲羹。顧人性安於所近耳。聲價藉甚。紈綺俗子。持數十金。不肯與一石。此卷解衣盤礴。閉門三月。予一貧士。不憚捐以與焉。則予平生好善之懷。惜美之私。有以大服其心。而破其所愛。因知夷門之椎。延陵之劍。皆此一念感激。尚足以奪人生歆之情況。區區哉。彼發塚據船。皆狡獪陋劣也。



世間至寶自足流傳決非一人一姓所得而私  
平泉刻石貽譏達人作蔡氏之秘抑又愚矣此  
卷予亦將公之計非以贈平生一大知己則卽  
予平生所服膺爲當吾世不可少之人凡以書  
画文章皆天下之公寶也天下之公寶應與天  
下公惜也且因是而得以相天下之士也  
嬾僊云羅浮二岳以風雨爲合離蓬萊三山  
隨波濤而上下精靈惚恍莫可名狀





跋盆蘭卷

李流芳

已未春余北上至濠梁病還夜輒苦不寐獨處  
惘惘非對友生流連花酒卽無以遣日二月二  
日與子薪爾凝泛舟南郊聽江君長絃歌值雨  
子薪偕爾凝君長宿余家盆蘭正開出以共賞  
子薪故有花癖燒燭照之嘖嘖不已花雖數莖  
然參差掩映變態頗具其葩或黃或紫或碧或  
素其狀或含或吐或離或合或高或下或正或  
歌或俯而如瞰或仰而如承或平而如揖或斜

筆端有輪

而如睨。或來而如就。或往而如奔。或相顧而如  
笑。或相背而如嗔。或掩抑而如羞。或偃蹇而如  
傲。或挺而如壯。或倚而如困。或羣向而如語。或  
獨立而如思。蓋子薪爲余言如此。非有詩腸畫  
筆者。不能作此形容也。余旣以病不能作一詩。  
記之。欲作數筆寫生。而亦復不果。然是夜與子  
薪對花劇談。甚歡。胸中落落一無所有。伏枕便  
酣睡。至曉。從此病頓減。此花與愛花人。皆我良  
藥。不可忘也。今日子薪邀過花癖齋。看鶯栗花。



花既爛熳映帶新綠時雨驟至物色韶潤小窗  
對飲情境清適迴思春夜賞花之樂皆百年所  
未有子薪出素卷相屬因髣髴爲寫盆花并追  
紀其語于後四月朔日也

懶仙云迴思追寫境已往而情尚留名花韵  
人自應流連不能去

卷之三  
三

四



善沈約傳後

李 清

予嘗覽史傳至弑主篡國事輒勃然心忿然必

○是賊臣○爰書

有一二宵小爲之羽翼其導前則如虎之隨俵而簇後又如判之環鬼也噫若此輩者安得震以沈約之一夢斷以齊和帝之一劍哉夫梁武之篡齊也約實導篡梁武之旣篡齊又弑和帝也約復導弑毒哉斯舌乎彼和帝斷舌之劍忽來夢中者宋書所載炳如也予心快斯事竊謂此一劍者當與魏莊刺榮之刀周武擊護之珽

並懸句○挾○秋○霜○陛間以落奸首而寒賊膽惜乎夢中物也

夢而痛覺而驚視吾舌尚在否其比王偉之嗾

侯景弑簡文而卒遭梁元釘舌戮者則一以人

刑用一以鬼刑用也雖然彼牽后之華歆歐帝

之崔季舒其羽操而翼澄皆約輩也乃歆既保

首領以沒而季舒之歿于昏虐猶冒忠諫名若

天道有知恐二帝懸劍以待當罪坐牽歐而斷

手之刑酷于斷舌矣信斯言也彼阮千里之無

鬼論安可復存而顏之推之還冤記安可不作



懶仙云氣憤成雲筆銳如鐵借他酒杯澆我  
塊壘噫安得齊和夢中劒斬却萬世賊臣頭  
庶掀髯一快乎

一  
外  
子

安  
順



味  
藥  
中

嬪

連珠

世類

三

示

四

雲如

鐘

卷八

野

卷之六

200



讀高士傳書後

文德翼

觀逐貧送窮二作。未嘗不嘆其善戲謔。今而亦疑其尚不能忘情於茲也。一日計無復之。乃徐嘆曰。古之人何足疑哉。坐上尋皇甫謐高士傳。讀之。相眎而笑。莫逆於心。其吾師也哉。其吾師也哉。讀之而思。思之而疑。謐之傳也。其去取有不可曉者。進莊列所引荒唐不可信之人。而退秦伯。伯夷。叔齊。延陵季子。魯仲連。黃叔度。范史雲之徒。如以之數子者。見於經傳。不書。其他書

之見於經傳者皆是也。且顏曾大賢也。弦高王  
斗細士也。大賢不宜濶。細士不足錄。至於下榻  
加腹。不備書於徐嚴之譜。頓足恨嘆。不微辭於  
閔憂之冊。亦已踈矣。余於是而知古人之用意  
固不屑屑以求詳也。如此如觀鴻鵠之舉。羨其  
仰青天。睹白日。不爲遙耳。豈一一而數之哉。

嬾仙云。善讀書者。不求甚解。正得作者之意。



書韓信彭越英布傳後

姚宗昌

漢高帝十一年上自將擊陳豨呂后殺淮陰侯  
韓信夷三族。是年廢梁王彭越爲庶人。三月殺  
之。亦夷三族。十二年帝擊破淮南王黥布于蘄  
西。長沙王臣誘而誅之。不二年間而三將之頭  
懸于麾下。帝其少恩哉。自留侯之言曰。九江王  
布楚梟將。彭越與齊反。梁地此二人可急使韓  
信可屬大事。當一面捐關以東以與三人。楚可  
立破也。名爲薦此三人。三人其尚得留漢室哉。

破楚垓下。卽馳入信壁。奪其軍。良不以爲非也。  
僞遊雲夢。械信以歸。良不以爲諫也。舍人弟告  
變。畢命鍾室。良不左右而曲全之也。信旣誅夷。  
而如越。如布。豈能逃死乎。布本黥徒。越亦群盜。  
爲宗社計。剪夷而殄滅之。不爲無見。惟是帝以  
信而得天下。得之而疑信之。踵其後也。忘登壇  
之大略。懷失期之小怨。盖自躡足數語之後。良  
已與帝定計。誅之。故信之危機。不發于縛載後。  
車之日。而發于從陳傳海王其故邑之日。惜乎。



信不之悟耳。帝誅信誠爲負義。故又假手呂后。以自謝于天下。運籌幃幄之中者。非子房而誰。子房深人也。其跡遂始終不露。帝聞淮陰侯死。且喜且憐之。意可知矣。獨信越皆束手就誅。而布敢與上大戰。且兵甚精。置陣皆如項羽法。布亦盜之魁奇也哉。

雲隱云。高之破楚定天下。皆淮陰三人力也。留侯數語薦之。詎意胎三人後日之禍哉。帝自少恩負義。而以發縱歸之留侯。得無深文。

之筆他日從赤松子遊恐亦不無狐悲之慮也。

讀玉置陳皆如後羽化的知兵者也臨壇而嘆  
天亡楚如羽之罪也古雖然惜其強者歟有不  
居也又勢相結是史公誤



遜影後語

卓人月

吳余常有遜影之文。而卓子爲之說。客有難之者。曰。廉頗藺相如。千載有生氣。曹蜍李志奄奄如九泉下人。人不可以無氣。可以無影乎。不知此英雄之語。而非至極之論也。客以氣喻影。余亦以氣喻影。芥茶佳者。作蘭花氣。或作金石氣。最佳者。無氣。此何以稱焉。按丙吉曰。真人無影。老人生子。亦無影。崔少玄曰。光含影。藏形于自然。張處士曰。鬼怪無形。全乎陰也。神仙無影。全

乎陽也。人知藏形見光之爲神而不知銷聲滅  
影之爲至。鮮有不墮于鬼趣者。且夫無影者固  
不獨壽麻玄俗已也。商王女昌容無影。周昭王  
舞女延娛無影。燕昭王美人旋娟提謨無影。梁  
武帝蕭衍無影。勃鞞國人衣羽毛能飛。壽于歲  
亦無影。頻斯國人多力。不食五穀亦無影。昔寶  
曆中王山人取人本命日。張燈相影。知休咎。言  
人影欲深深則貴而壽。使遇此輩能無駭而反  
走乎。然則如介琰介象受玄白之道。變化隱形。



浮提國神通善書佐老子撰經者聞響出影而  
形莫覩其與武靈紅線之徒皆非其至者也張

奇奇怪怪不可方物

道陵得黃帝龍虎中丹之術能分形散影張微  
子師東華玉妃受服霧之道能散影入空與雲  
氣合體吾猶以爲妖不免王方平賄笑爲狡獪  
耳是故衛孔周之劍其一日宵練晝見影而不  
見光夜見光而不見形其一日承影昧爽昏旦  
之際北面而察之淡淡焉若有物存其一日舍  
光視之不可見運之不知有所觸也泯然無

際此有影無影之等差也。而道德之高下亦若是則已矣。嗟乎影亦多態矣。山有反影之山。縣有比影之縣。周有反影之扇。秦有躡影之駕。漢有漏影之刀。昭華之瑄吹之見車馬山林隱鱗相次。花影之珠一里內花木皆現于中。穆王之馬超光一形十影。伊祁玄解所獻六合葵一花千葉一葉六影。瀛洲影木日中視之一葉百影。純陽之鏡美人照之留影不散。咸陽宮方鏡人影倒見洞悉五臟。劉沔雙旌之上有燭影醴泉。



觀火珠之中有真武影此皆天下之大奇而君子或存而不論者爲其能以有爲奇而不能以無爲奇卽胡陽白壇寺幡刹日中有影月中無影號爲怯夜幡亦僅以有無不定爲奇而終不能以無爲奇無且不能何況無無彼大智若愚深藏若虛者寧有是哉且夫倒影之氣去地四千里氣之與影原非二物海市蜃樓氣之爲也而遂結而成影然倏起倏滅爲幻而已矣李嶠夜臥口鼻無息息在耳中相者以爲大壽列子

示其地文而巫咸以爲見濕灰焉則遯影之道  
先須養氣養氣而後可以入於衡氣機蓋修身  
立言者皆不可不講也不講于養氣而第任其  
橫見側出之炁影以炫耀于人世自謂吾能廢  
形而用神上之不過爲玄宗之學隱終露幞頭  
衣帶下之則爲顧愷之之障葉爲人所溺而猶  
不勝其喜且無論仙鬼之界甚懸正恐求爲鬼  
而未可得耳

仙人遙興輕舉登遐倒影注身在日月之上



日月反從下照。故曰倒影。人身中九影神。一名右皇。二魍魎。三洩節樞。四赤鳧。五索關。六魄奴。七竈囟。八亥靈胎。九魚全食不辨。○西王母居龍月城。城中產黃中李。花開則三影結實。則九影。花實上皆有黃中二字。附記。

張安世憶亡書三篋。呂徽之徵驢事。博綜敏給。應不是過。



